

جريدہ عدليہ

۲۰ تموز ۱۳۲۶

صالی

۲۶ رجب ۱۳۲۸

نومرو ۱۶

برنجی سنہ

قِسْمَتِ رِیاضِ الدِّیْنِ


توجہات عدلیہ

اظہر ولایتی مرکز بدایت محکمہ سی حقوق ریاستی: وان ولایتی مرکز بدایت محکمہ سی حقوق دائرہ سی رئیس بکر صدق افندی یه؛ اشقودره ولایتی مرکز بدایت محکمہ سی اعضائی: سنیچہ سنجائی بدایت محکمہ سی اعضائندن دراغوظین افندی یه؛ سنیچہ سنجائی بدایت محکمہ سی اعضائی: قومانوه قضاسی بدایت محکمہ سی اعضائندن هکتور افندی یه تقویض وبرغمہ قضاسی بدایت محکمہ سی جزا دائرہ سی رئیس احمد احسان وسنغورلی قضاسی بدایت محکمہ سی جزا دائرہ سی رئیس محمد قدیری افندی لک بجایش مأموریتلری اجرا بیورلمشدر.

وان ولایتی مرکز بدایت حقوق محکمہ سی ریاسته: طرابلس عرب تجارت محکمہ سی رئیس سابق علی صائب افندی نیک؛ قره حصار شرقی سنجائی بدایت محکمہ سی مدعی عمومی معاونا لکنه: سنیچہ سنجائی بدایت محکمہ سی مدعی عمومی معاونین حسین عونى افندی نیک؛ منتفک سنجائی بدایت محکمہ سی مدعی عمومی معاونا لکنه: جعہ بالا قضاسی بدایت محکمہ سی جزا دائرہ سی رئیس محمود رامز افندی نیک؛ بایزید سنجائی بدایت محکمہ سی مدعی عمومی معاونا لکنه ارضروم ولایتی مرکز بدایت محکمہ سی مدعی عمومی معاونین خلوصی افندی نیک، اظنه ولایتی استیناف مدعی عمومی معاونا لکنه کسندیره قضاسی بدایت محکمہ سی مدعی



عمومي معاونت كنندن مستعفى خليل ابراهيم افنديك، بغداد ولايتى استيناف محكمه سى اعضا لغنه بغداد محاكمى اعضا لغنه خدمتى مسبوق آرتين ستیان افنديك؛ مجدداً تشكيل اولنان نجف اشرف قضاسى بدايت محكمه سى رياسته موصل استيناف جزا باش كاتبي على عثمان افنديك؛ طاشايجه سنجاغى بدايت محكمه سى اعضا لغنه آقوه قضاسى بدايت محكمه سى اعضا سندن يوان يوصيف افنديك نقل وتعيينلى و پرله قضاسى بدايت محكمه سى جزا دائره سى رئيسى اسماعيل حقى ونيره قضاسى بدايت محكمه سى جزا دائره سى رئيسى حافظ فخر الدين افنديك بالموافق بحايش مأموريتلىك اجراسى خصوصه اراده سنيه حضرت پادشاهى شرفه تعلق بيورلش ومومى اليهمدن مخالف اوليانلرك على الاصول تحيفلى در دست اجرا بولمشدر .



قوانين ونظامات

قرارنامه صورتى

ديون اميريه وعاديه نك تأمين تاديه سى ايچون ايتام و ارامل و تقاعد معاشندن توقيفات اجراسى حقه عسكرى تقاعد واستعفا قانونه ذيلاً حكومتجه تنظيم و مجلس مبعوثانجه اجرا قانونك اللى اوچنجى ماده سىك آلتنجى فقره سى مقامنه قائم اولمى اوزره قبول ايديلوب مجلس مذكور رياستندن كوندرين لايحه قانونيه ده بعض تعديلات اجرا ايديلرك ايجابى اجرا قلمقى اوزره مجلس مبعوثانه اعاده اولمش ايدى بوكره رياست مشار اليه ايدى وارد اولان تذكره ده تعديلات واقعه دن يالكز معزولين و متقاعدين و ايتام و ارامل معاشاتندن ربع يرينه خمسك قطعى ماده سى قبول اولنه رق ديكرلى اصل قانونك مذاكره سنيه تعاقباً تأخير ايديلدى اشعار قلمش و اولبايده مجلس اعيان عدليه انجمنندن تنظيم اولنان مضبطه هيئت عموميه ده قرائت ايديلرك مجلس مبعوثانك مطالعه سى هيئت عموميه اعيانجه ده متفقاً قبول ايديلشدر .

قانون اساسيك او تونجى ماده سى موجبجه طرف حضرت پادشاهيدن بالامضا تصديق بيورلدندن و صدارت ايله نظارت متعلقه سى جانبلى رندن امضا اولندقدن صوكره امضاي حضرت پادشاهى و ديكر امضالره برابر جريدة رسميه ده بالاعلان موقع تطبيقه وضع اولمى اوزره اشبو لايحه قوه اجرائيه ده توديع اولنور .

في ٢٠ جاذى الاخر سنه ١٢٢٨ و في ١٥ حزيران سنه ١٣٢٦

مجلس اعيان عثمانى

مجلس اعيان رئيسى

مجلس

اعياندن كاتب

عبدالمليم

اعياندن كاتب

نورى

اجرا قانوننامه سىك اللى اوچنجى ماده سىك آلتنجى فقره سى مقامنه قائم اولمى اوزره قلمه انسان فقره قانونيه صورتيدر .
سادساً على العموم موظفين معاشلرينك ربغندن و معزولين و متقاعدين و ايتام و ارامل معاشاتنك خمسندن زياده سى .

مجلس اعيان و مبعوثانده قبول اولنان اشبو لايحه نك قانونيتى و قوانين دولته علاوه سنى اراده ايدرم .

في ٢٥ جاذى الاخر سنه ١٢٢٨ و في ٢٠ حزيران سنه ١٣٢٦

مجلس

عدليه ناظرى نامه

صدراعظم

ابراهيم حنى

ابراهيم حنى

تجارت بره قانونى اسباب موجب لايحه سى

بو دفعه قانون اساسيك اعلان و شمس تابان حريتك مشرق عالم عثمانيه يكدن طلوعى ملايه سىيله مقتضيات عصره موافق صورتده بر قانون تجارت لايحه سى تنظيمى ضمنده تشكيل بيوريان قوميسيونه عاجزلى اعضا تعيين بيورلش اولديغى مژدن ابتدائى مأموريت مژدن برو اجرا ايتديكمز تبغات و صرف ايتديكمز مساعى نتيجه سى اوله رق بوكره قانون تجارت لايحه سىك برنجى كتابى تشكيل ايتكمده بولنان تجارت بره قسمى ختام بوله رق حضور على نظارتناهيلىر نه تقديم قلندى . لايحه مذكور نك ايكنجى كتابى تشكيل ايدمك اولان تجارت بحريه و اوچنجى كتابى تشكيل ايدمك اولان احكام افلاس ايله درونجى كتابى تشكيل ايدمك اولان دعاوى و اصول محاكمه تجاريه دخى در دست تنظيم بولمغه قريباً تقديم حضور نظارتناهيلىر قلنه جنى دركادر .

اشبو برنجى كتابك تنظيمى ضمنده ايكى اولان آلمانيا و ايتاليا اسپانيا و پورتوكيز و رومانيا و شيبلى قوانين تجاريه سى و ارباب علم حقوق طرفندن تحرير اولان بعض آثار مقبوله و برچوق مسائل تجاريه يى حاوى بولنان فقه شافعيدين باحث حاشيه ابن قاسم نام كتاب مستطاب نظر مطالعه و تدقيقدن كچورلش و قوانين و آثار مذكور ددن اقتباس معلومات اولنه رق كتاب مذكور محتوياتى بروجى آتى ترتيب اولمشدر شويله كه :

اليوم مرعى اولان قانون تجارتك حاوى اولدينى قواعد قوانين مدنيه نك مستثنائى حكمنده اولديغندن بولنرك ذاتاً دركار اولان كفايت سزلىك جهتيله اكثر احواله قوانين مدنيه به مراجعت اولنور و مسائل

مدنيه ايله عادات تجاريه بيننده اساساً اختلاف عظيم موجود اولمسه مني بو خصوص كرك تبعه عثمانيه دن و كرك تبعه اجنبيه دن بولنان تجارك وسفارات اجنبيه نك شكايات واعتراضاتي استلزام ايتكمده بولنيوردی . بناءً عليه بودفعه يكي قانون تجارك ممكن مرتبه بر قانون مستقل اولمسی لزومی تصور اولمش وبونك ايچون لايحه نك برنجی ماده سنده دعاوی تجاريه نك اشبو قانونه توفيقاً حلی اقتضا ايدجكي وقانون مذکورده صراحت كافيه موجود اولماديخی حالده عادات تجاريه يه مراجعت اولمسی وعادات تجاريه دخی حل مسئله به كافي كوريله . مدیكي تقدیرده قوانین مدنيه يه مراجعت اولمسی حقنده بر قاعده وضع اولمش وبوكا كوره قانونه مسائل متنوعه تجاريه نك حلنه مخصوص فصول متعدده درج ايدلمشدر . اندن صكره تاجرك تعريفنه كچيلرك معاملات تجاريه يي كندوسنه صنعت مخصوصه اتخاذ ایدن كسنه يه تاجر اطلاق اولنه جنی ويكرمی ياخی اكمال ايتيان كسنه لرك صنف تجاردن عد اولنه ميه جقلى واداره دولت وولایات طرفندن دخی معاملات تجاريه اجرا اولنه ييله جكي وبوندن متولد منازعاتك صورت حلی قانون تجارت احكامنه تابع اولور ايسه ده مذکور اداره لرك صفت تجاريه يي حاز اوله ميه جقلى وحابوكه تجارت شركتلى نك صفت تجاريه يي حاز بولندقلری توضیح قلندی علی العموم تجارك دفتر طوتمق وبونی تجارت محكمه سی معرفتيله تصدیق ايتديرمك مجبوری اشبو قانونه دخی درج اولمش ايسه ده اشبو مجبوری نك عدم ایفاسندن ناشی ظهوره كله جك نتایج يالكنز افلاس خصوصنده ظاهر اولوب اعلان افلاس ايتكمده تجارك دفتر طوتمق خصوصنده كی مجبوری لفظ بی معنا حكمنده قالمقده در . بناءً عليه رومانیا ده اولدینی كی عدليه ویاخود تجارت نظارتلرندن بر مأمور مخصوص تعیینيله اوچ آید بر دفعه تجار مغازه لرینه اعزام اولنه رق تجار طرفندن دفتر طوتیلوب طوتیلدینی وبونك تصدیق ايتديریلوب ايتديرلمدیکي خصوصنك تدقیق ودفتر طوتیمان ویاخود دفتری تصدیق ايتدير میان تجاردن جزای نقدی اخدی تصور ایدلمش ايسه ده بونك بعض كونا مشكلاته سببیت ویره بیامسی ملحوظ اولدیغندن بویولده بر قاعده وضعندن فراغت اولمسی اکثریت آرا ايله تقرر ايتمشدر . یقین زمانلرده اوروپا و آمریقا دولترلنده تنظیم اولنان قوانین تجاريه ده تجار صنفنده داخل بولنان كسنه لرك وشركات تجاريه نك وبونلرك تشكيل وفسخ وتصفيه سنده دائر معاملاتك قیدینه وتجارك عنوان وامضالری نك حفظه مخصوص «سجل تجارت» احدائی وبونك تنظیم واداره سی حقنده احكام مخصوصه مندرج بولمش وفی الحقیقه بویولده بر سجاك احدائی تجارتله مشغول اولان افراد وشركتلك عنوان واقامتكاھلری ومجبوراً سجاك قیدی لازم كلان معاملات حقنده مضبوطیت كامله تأمین ايتكمده بولندیغندن اشبو قانون لايحه سنه دخی بوكا دائر بر فصل مخصوص درج اولمش وبرده زمانلرده بر تجارت اوینه مخصوص عنوانك بین التجار آریجه ویاخود منسوب اولدینی تجارتكاه ايله معاً آخره بیع وهبه ووصیت ایدلمكده اولدینی جهته بوكا دائر اجرا اولنان عقوددن صحیح ویا فاسد بولسانلرك تفریق وعقود مذکورده نك صحتی تقدیرده مالك لاحقك تجارتكاهك دیوتی دخی ایضایه مجبور اولوب اولمادیخی وبویله بر مجبوری قبول اولدینی حالده مالك سابقك درجه مسئولیتی نهدن

عبارت قاله جنی وافراده ویاخود قوللكیتیف ویا قوماندیت ویا آنونیم شركتلى رینه مخصوص عنوان تجارى نك نه صورته ترکیب وتحریر اولنه جنی خصوصلری نك تعیینی دخی مواد مهمه دن بولمغله بوكا دائر آریجه بر فصل تحریر اولمشدر . بالاده عرض اولدینی وجهله قانون تجارتك ممكن مرتبه مستقل اولمسی لزومی قومیسسیون عاجزانه مزجه تقرر ایتمش اولمغله تعهدات تجاريه حقنده قانون مذکورده بر فصل مخصوص درجی مقتضی كورلمش وبونك دخی عالم تجارتك احتیاجات حاضر سنه نه درجه لرده موافق بولندیخی وارسته تذكار بولمشدر . بناءً عليه اول امرده يكديكرندن بعد مسافه ايله بعید اولان ایکی كسه بیننده مکتوب ومخابره ايله عقد اولنان تعهدات ومقاولاتك هانكی دقیقه ده تمام اوله جنی بيلمك لازم كلوركه بوبابده كی قاعده شرعیه نظرأ ایجاب كیمدن صدور ایتمش ايسه ده بعد مسافه ده بولنان كسنه نك ایجاب مذکورى قبول ايتدكنك خبری وصولی آئنده عقد تمام اولور . مالك عثمانیه ده واکثر دول اجنبيه ده جاری اولان عادات تجاريه دخی بو مرکزده اولدیغندن قومیسسیونجه دخی بو قاعده قبول اولمش وفقط طرفین عافیدندن يالكنز برینی الزام ایدن ویاخود شرائط مخصوصیه تابع بولان تعهدات ومقاولات قاعده مذکورده دن مستثنا طوتلمشدر . دیگر طرفندن تلغراف مخابراتك تكثیری یوزندن عالم تجارتده حصوله كلان تبدلات جدیدی نظر دتندن دور طوتمق قابل اوله میوب اوروپا و آمریقا ده اولدینی كی بوندن بویله بزده دخی تلغرافنامه نك اصلنده تلغرافی كشیده ایدن شخصك امضای بولندیخی ویاخود مذکور تلغرافنامه كندی طرفندن بالذات تسلیم اولدینی ثابت اولدینی تقدیرده سند غیر رسمی حكم وقوتی حاز اوله جق وتلغرافنامه نك چكيلمه سنده سهو وخطا وقوعی تقدیرنده خطا حقنده كی قواعد عمومیه جریان ایدجك وفقط تلغرافنامه يی صورت مخصوصه ده مقابله ویاخود تعهد ايتديرن مرسل هر نوع مسئولیتدن وارسته اوله جقدر .

حامله عائد اولمق اوزره اخراج اولنان تحولات حقنده اشبو قانون تجارت لايحه سنده ایکی ماده مهمه درج اولمش وبونلرك بری یدنده كی تحویل اسكیمش ویا ضایع اولمش بولنان كسنه نك بونك نسخه نایه یی طلبه حق اولدیغنه وديكری غائب ایدیلان ویاخود سرقت اولنان تحویلاتك استردادینه دائر در . اشبو احوالده تحویل صاحبی بولنان شخصك دعواسی انجق تحویلات مذکورده يی بر حیلایه مستنداً اله كچورمش ویا بولمش ویا سرقت ایتمش ویاخود بونلرك منشأری فاسد اولدیغنی بیلدیكى حالده قبول ایتمش اولان اشخاص علیهنده اقامه اولدینی حالده مسموع اولور .

بوندن بشقه فصل مذکورده بر سند هانكی محله تنظیم اولمش ايسه شكلاً اورانك قانونه تابع اولوب طرفیندن لااقل بری محل مذکورك تابع اولدینی دولت تبعه سندن اولدقلری تقدیرده حكماً دخی اورانك قوانینه تابع اوله جنی تصریح قلنمشدر .

ینه قانون تجارتك حصول استقلالنه مدار اولمق اوزر لايحه يه بیع تجاری حقنده بر فصل مخصوص درج قلنرق بونده ثمن میبعك طرفینك تعیین ايتدكلری بر شخص ثالث طرفندن تقدیر اولمسی شرط

قانونی حالد عقد بیعك معتبر اوله جفته و اگر شخص ثالث تعیین نمیدن امتناع اید جك اولورسه طرفین عاقدینك دیگر برنی انتخاب ایتلری و بینلرنده اختلاف وقوعنده شخص مرقومك محکمه جه تعیین اولنسی لزومه دائر عالم تجارتده مرعی اولان اصول دخی قبول اولمشدر .

اکثر تجارت بحریه پیاسه لرنده معمول بر عقد وارد اوده بایع طرفندن تعیین ایدیلان و یا خود ایلریده تعیین ایدیه جك اولان وسیر وسفر حائنده بولنان سفینه یه محمول وانك وصولنده لازم التسلم اولان امتعه تجارتیه بیعی ماده سی اولمغله بونوع بیعلرده سفینه نك عدم وصولی تقدیرنده بایعك دوچار اوله جنی مسئولیتدن و كرك بعضاً بایع طرفندن میبعك عدم تسلیمی یا خود مشتریك تسلمدن امتناعی تقدیرنده اولنه جق معامله دن دخی بحث اولمش و بیع تجاریدن طولانی خیار رؤیت و خیار غبن ادعاری مسموع اولیه جنی بیان و خیار وصف و خیار عیب دعوالرینك مدتلی تجدید اولمشدر .

قوانین مدنیة عثمانیه قرض حقنده تفصیلات لازمه موجود اولدیغندن و قرض تجارتینك بر کونا قاعده یه تابع بولنماسی تجویز ایدلمدیکنندن وعده قرضك تابع اولدینی قاعده یی و فائض شرط قلندی حالد بونك صورت تأدیة سی و قرض تجارتیه فائض ایچون حد نظامی تعییننه محل اولدیغنی و فائض مرکبک درجه جوازینی مبین بر طاقم اصول وضع اولدینی کی عالم تجارتده حواله کیفیتی دخی بسبتون بشقه بر بولده جریان ایتکده اولوب از جمله حواله تجارتیه ایکی یه منقسم و بونلرك بری حواله مطلوب و دیگری حواله دینه متدائر اوله رق حواله مطلوب خصوصنده فقه شافعیده مبسوط اولدینی و جمله محال علیک قبولی و یا خود دینك آخره حواله ایدلمدیکنك مدیونه تبانی لازم کلدیکی و محال علیک محیله قارشى ایزاد ایدیه جکی مدافعاتی محال لهه قارشى دخی در میان ایدیه یه جکی و بالعکس حواله دین خصوصنده محال علیک قبولی مشروط بولندینی جهتله خصوصات مذکوره یه دائر ایجاب ایدن قواعد اصلیه و فرعیه مواد قانونیه صره سنه یچورلمشدر .

شرکتلره متدائر اولان فصل دخی سکساندن زیاده ماده یی حاوی اولوب فرانسه و ایتالیا و المانیا و انکلتزده اولدینی کی بزده دخی سیاست جاری اولان قاعده حریت شرکتلره دخی تشمیل اوله رق آنونیم و سرمایه سی اسهامه منقسم قوماندیت شرکتلرك تشکیلی ضمننده حکومتدن مساعده و اراده حکمداری استحصالی لزومه دائر اولان قاعده الفا اولندی فقط بوکا مقابل شرکت تجارتیه نك شرائط تشکیلی حقنده کی اصول اساسیه و عمومیه توضیح و بر شرکتك قانون دائره سننده تشکل ایدوب ایتدیکی تعیین و تدقیق وظیفه سی محکمه تجارتیه تودیع قلندی . شرکت فصلنك احتوا ایتدیکی مسائل یکان یکان تعداد و ایضاح قابل اوله میوب یا لکز اکا متلق اوله رق قومیسون عاجزانه مزجه قبول اولنان مسائلک باشایجه لرینك بیاننه ابتدار اولور شویله که : شرکتلر الیوم مرعی اولان قانونده معین اولدینی و جمله قوللکستیف و قوماندیت و آنونیم قسملرینه و بونلردن قوماندیت شرکتی ایسه عادى و یا سرمایه سی اسهامه منقسم اوله رق ایکی نوعه تقسیم اولنوب بونلردن بشقه سرمایه سی

متنیر و شرکت اعمال مجتمعه (Cooperative) تعبیر اولور . در دنجی قسم بر شرکت و قانون عتیقه شرکت خصوصیه تعبیر اولنان و سائر شرکتلر کی شخصیت معنویه یی حائز اولیان و بوکره ماهیتنه نظراً شرکت ضمیمه نسمیه قائمان بشنجی قسم دیگر بر شرکت آلتنجی قسم اولق اوزره متقابل سیغورطه شرکتی وضع واحداث اولمش و بونلرك تشکیلی حقنده کی مقاوله و نظامنامه داخاینك مطلقاً تحریری اولمی و انلرك دخی صورت مکملده نشر و اعلانی و سجل تجارتیه قیدی خصوصلری و قوانین مدنیة دن مسطور اولدینی و جمله سرمایه شرکتك مطلقاً نقوددن عبارت اولمی و یا خود عروض و عقاردن عبارت اولدینی تقدیرده شرکادن هریری کندی تحت تصرفنده بولنان مالک بر حصه شایعه سی دیگر شریکك تحت تصرفنده بولنان مالک بر حصه شایعه سی مقابلنده اکا بیع ایدلرك رأس المال شرکت اوله جق ماله شوصورتله شایعاً متصرف بونلری لازم کلیوب نقود مثلاً و علی الاطلاق عقار و عروض و حیوان و مثلیات و سائر نك سرمایه اوله رق شرکتیه وضعی جائز اوله جقنی و سرمایه لری اسهامه منقسم بالجمله شرکتلرك تشکیلی تمام اولق ایچون سرمایه لرینی تشکیلی ایدن اسهامك تماماً اخذی تعهد ایدلمی و اشبو سرمایه نك لا اقل اونده اوچنك تأدیة قلنمسی و اولجه چیقارلمش اولان اسهامك بدلی تماماً تأدیة اولمادجه یکیدن اسهام اخراج اولنماسی و هر سهمك مسمی قیمتی اوچوز غروشدن دون اولماسی لزومی تصریح قلنهرق طولاندیریجاغه میدان ویرللمسی تأمین قلنمش و شرکت اداره سی مأمورین مخصوصه سیله دیرکنورلره عائد اوله رق جمله سنك وظیفه سی تعیین اولمش و قوماندیت و آنونیم شرکتلرینك تمام تشکیلاتی و باشلوجه امورینك اداره سی و صورت اجتماعی قواعد مخصوصیه تابع طوتیلان مجالس عمومیه یه احاله قلنمش و رأی مجلس عمومیه رد اولنان آرانك اکثریتنه مخالف بولنان اداره مأمورینك ایفا ایدیه جکی معامله و مجالس عمومیه ده اکثریت و یا خود اقاییتك نه صورتله تحقق ایتدیکی و تحویلات اخراجی حالد بونلرك شرکتك كرك مبدأ تشکله و كرك تحویلات مذکوره نك میدان تداوله وضعی اثناسنده صوك بالانچو موجبجه موجود اولان سرمایه سی تجاوز ایلامسی شرطی دخی تصریح قلنمشدر . شرکت تجارتیه نك امر اداره سنه نظارت ایتك اوزره اداره مأمورلرینه قارشو بر هیئت مراقبه تأسیس و انمش و بونك وظائفی حقنده تفصیلات لازمه اعطا قلنمشدر . اعمال متقابل شرکتلری احتیاجات زمانیه پك موافق اولدقلری جهتله لایحه قانونیه ده بونوع شرکتلردن بحث ایدلماسی امکان خارجنده ایدی چونکه عمله و زراع کی کوچك سرمایه صاحب لرینك الشدقلری شکل و صورتده شرکت تجارتیه تأسیس ایدیه یلملری ضمننده کندیلرینه وسعت تامه ویرلمی و بونلرك سعادت حاللرینی تأمین مدار اوله جنی درکاردر . مع ذلك بو مثلاً شرکتلرده دخی مقاوله و داخلی نظامنامه لرك نشری و اداره مأمورلرینك مسئولیتلری حقنده آنونیم شرکتلرك ایفاسیله مکلف اولدقلری قواعدك مرعی طوتلسی مجبوریدر . اشبواعمال متقابل شرکتلرنده سرمایه شرکت وعدد شرکا صورت دائمه ده متحول اولوب اسهامك شرکادن بشقه سنك عهده لرینه یچورلمسی مجلس اداره نك قرارینه وابسته دن . بر شرکت مؤسسلری طرفندن اتخذ اولنان شکل تجارتینك شرکت مذکوره یه صفت تجارتیه یی تأمین ایدوب ایدیه یه جکی مؤلفلر بیننده مختلف فیة اولدینی

جهتله بوباده تعاطی اولنان مطالعات نتیجه سنده شکل تجارینک بر شرکتک صفتنه بر تأثیری اوله میه جنی خصوصی دخی بعض اوروپا قانونارینه توفیقا بینمزده قرارلشدیرلدی .

ممالك عثمانیه ده اجرای معامله ایتمکده اولان اجنبی تجارت شرکتلری بالخاصه نظر دقتی جالبدر . کرچه اداره سابقه اثنا سنده اجنبی آنونیم وسیغورطه شرکتلرینک ممالك عثمانیه ده اجرای معامله ایده بیلملری ایچون بعض شرائط وضع اولنش واز جمله سیغورطه شرکتلرینک اولنش بیک لیرادن الی بیک لیرایه قدر تجارت نظارتنه تأمینات ایچیهی تودیع ایتملری لزومی قاعده اتخاذ اولنش ایسه ده شرائط مذکورده نک فن اقتصادک کوزتدیکی سربستی معامله ایله عداوته موافق بولنماسندن ناشی بوکا دائر تنظیم اولنان نظامنامه سفارات اجنبیه طرفندن قسماً قبول و قسماً رد ایدلش اولفندن ناشی محاکم مختلفه جه موقع تطبیقه وضعی قابل اوله مادیغندن اشبو قانون لایحه سنده بوباده بعض شرائط معتدله وضع اولنش واز جمله سیغورطه شرکتلرینک دولت بانقسه تأمینات ایچیهی اوله رق مقدارنی کنیدلرینک تعیین ایده جککری بر مبالغ دیو زیتو ایتملری و فقط مبلغ مذکور مقدارینک غنیه لرله نشر اوله رق درجه اعتبارلرینک خلقه اعلان ایدلمی اساس اتخاذ قلمشدر . و برده مرکز معاملات و باشلیجه مصالحی ممالك عثمانیه ده بولنان اجنبی تجارت شرکتلرینک هر خصوصه قوانین عثمانیه به تابع طوتلی دخی قاعده اوله رق قانونه درج قلمشدر . زیرا بویه اولمدینی تقدیرده بعض کسسه لر ممالك اجنبیه غنیمتله اورانک هر نوع مرای ترویجه مساعد قانونلرندن استفاده ایچون مذکور ممالکده عقد شرکت ایده رک مملکت مزده قوانین اجنبیهی تطبیق ایتدیرمه بر طریق بولش اولورلر .

پولیچه به کلنچه بوکا دائر اشبو قانون جدید درج اولسان اصول بستمون یکیدر چونکه الیوم مرعی اولان تجارت بریه قانوننامه بی فرانسه قانون تجارتسندن غلط اوله رق عیناً ترجمه ایدلش اولوب اووتلر فرایسه ده جاری اولان اصوله کوره پولیچه لر یأید وقوع بولان بیع صرف مقابلی اوله رق بر محله ساکن برکیمسه نک دیگر محله مقیم آخر برکیمسه ایله ایچه مبادله ایتمسندن عبارت ایدی بناء علیه هر پولیچه متنبه انک بدلندن تجارت اولدینی ذکر اولنق و بدلی ذکر اولنمیان پولیچه باطل و شرائط قانونیهی غیر جامع عد اولنق طبیی و بونک نتیجه سی اوله رق کشیده جینک پولیچه ده اعطای بیان اولنان ایچهی مخاطبه ارسال ایللی ضروری ایدی واشبو ایچه ارسال اولدینی صورتده مخاطب پولیچه متنبه مرقم مبلغی اعطایه مجبور اولور ایدی لکن مرور زمان ایله بواصول برطرف اولدی شمدی پولیچه ایچه مبادله سنه متعلق بر عقدی ناطق مکتوب قیلندن اولیوب آنحق کشیده جینک کندوسی ویا خود بر بشقه شخص طرفندن حامله بر مقدار ایچه اعطای تعهدینی حاوی وامروحواله معاشنی متضمن بر مکتوب ویا خود سنددر امنیت و اعتبار ورقه سیدر ایشته الیوم دنیانک اکثریه تجارتله مألوف اولان اقوام مدینه سی تشکیل ایتمکده بولنان انکلتزه ، المانیا ، اویتالیا و ممالك مجتمعه امریاده جریان ایتمکده اولان اصول بومرکزده اولمغه دولت علیه ده دخی بواصول قبولی شو دور تجدد و ترقیه موافق کورلش و هر نوع پولیچه وامره محرر سنده علی الاطلاق قامیبال نامی

ویریلرک کشیده جیه غیر بر شخص طرفندن ایضای لازم کلان قامیباله قامیو پولیچه سی و کشیده جی جانبندن تأدییهی اقتضا ایدن قامیباله قامیو سندی تسمیه قلمشدر واشبو قامیبالرک متنبه بدک ویا خود سندک ذکر و قامیو پولیچه سنک بر محلدن محل آخره کشیدوسی و برکیمسه نک امرینه اعطای تعیرینک استعمالی لازم دکلد . بولر طبیعت مخصوصه لری ایجانبجه شخص آخره جیرو اولته بیلورلر فقط جیرو کیفیتنک منی حقنده پولیچه ویا سند مذکور متنبه برقید علاوه اولندینی حالد بشقه کسسه جیرو ایدملری جائز اولماز .

مذکور پولیچه وسند ظهرینه برکونا یازی یازلمسزین یا لکنز حاملک امضای وضع اولنق صورتیه دخی جیرو ایدلمک جائز اولور و بوحالد امضانک اوست طرفی حامل اخیر جانبندن طولدیرلمق صلاحیتی حائر در قانون عتیقه بوکا دائر تفصیلات یوغیسه ده بالجمله تجارت پیاسه لرنده بواصول مرعی اولدیفندن اشبو قانون لایحه سنه بوکا دائر بر ماده مخصوصه درج اولنشدر .

پولیچه نک قبولی تحویلک اوزرینه درج اولنق لازم کلوب مذکور پولیچهی قبولسندن ناشی مخاطب حامله و حتی کشیده جیه قارشو بیه مدیون صایلور پروتستو معامله سی وعده نک حلولنی تعقیب ایدن ایکنجی کون ظرفنده ایفا اولنق اقتضا ایدر معامله مذکورده مقاولات محرری ویا خود بر مباشر معرفتیه اجرا اولنق لازم کلور ایسه ده حامل بر اجنبی اولدینی حالد عدم قبول وعدم تأدییه حقنده اعطا اولنه جق بیاننامه نک مقاولات محرر لکننک استعدا دفترینه قیدی خصوصی دخی پروتستو مقامنه قائم اوله بیلور . حاملک پروتستو معامله سندن معفو اولدینی ادعای مسموع اولماز قامیو پولیچه ویا سندی قبول اولنمادینی تقدیرده یا بیله جق معامله غایت ساده در . شویله که حامل طرفندن عدم تأدییه خصوصی ایکی کون ظرفنده بر نقطه تعهدلی مکتوب ایله کنیدی جیرانته سنه اخبار و مرقوم جیرانته دخی کنیدی سندن اولکی جیرانته به عینی صورته کیفیتکی اعلام ایدر واک اولکی جیرانته به قدر بصورتله دوام اولور . بر قامیبالک عدم تأدییهی حائنه معامله لازمه بعدالاجرا محکمه به مراجعه حاجت قالمسزین اجرای حکمی اجرا مأموریتندن طلب اولور . و فقط اسباب موجب سر دیله مدیون طرفندن محکمه به اعتراضنامه تقدیم و کفالتنامه اعطا قلندینی تقدیرده نتیجه محاکمه دکن اجرانک تأخیرینه قدر واریله بیلور .

بر قامیبالک ضیاعی تقدیرنده اولنه جق معامله به دائر بر فصل مخصوص درج اولنشدر .

قامیبالر ده دائر اولان بابک نهانته چکلر حتنده بر فصل تحریر اولنوب بوباده لازم کلان احکامک تفصیلندن صکره تاریخسز ویا خود ساخته بر تاریخ ایله مورخ اوله رق ویا خود بدلی مخاطبه ارسال ایتمکسزین بر چک اخراج ایدن شخصک مستحق اولدینی مجازاتک درجانی تعیین قلمشدر .

حساب جاری مسائل حقنده اسکی تجارت قانونلرنده برکونه قاعده موجود دکل ایکن اخیراً ایتالیا و المانیا تجارت قانونلرنده و انلره تبعاً رومانیایا قانون تجارتسنده بونک احکام حقوقیهی و حساب جارینک

قبائلي و بوکا دائر طرفين بيننده منقذ مقاوله نك فسخي حقنده برطاقم قواعد مندرج بولمغله اشبو قانون تجارت لايحه سنده دخی اولبايده لزومی قطعی اولان بعض قواعد درج و املا قلندی .

وکالت تجاریه حقنده اسکی قانون تجارتده مبحث مخصوص موجود اولیوب یالکیز قومیسونجیاق حقنده بعض تفصیلات اعطا قلمش و برموکلک امر و حسابنه و کندو نامه اجرای معاملات تجاریه ایله مشغول اولان قومیسونجی اطلاق اولته جنی بسیط و بیان قلمشیدی بناءً علیه علی الاطلاق وکالته تعلق ایدن مسائلک حلی ایچون قوانین مدنییه مراجعت اولنقی اقتضا ایدیور ایدی . بوحال ایسه امور تجاریه نك ترقیات حاضره سیله قابل تألیف اولمادیقندن احکام وکالت ایله مناسبتی بولان معاملات تجاریه دن باحث بر فصل مخصوص تحریر و تجار آجنته و سیار مأمورلری و مغازه دیرکتورلری حقنده دخی احکام مخصوصه وضعنه مسارعت قلندی بوفصلده الك زیاده شایان دقت اولان ماده وکالت ضمیمه و وکیلک دخی قومیسونجی کی موکل بهده کی حق امتیازی مسئله لیدر قوانین مدنییه احکامنجه وکالت مطلقه ده وکیل بیعک موکل بهی آزه چوغه یعنی دیله دیکی فیثاته صاته بیله جکی محرر اولوب بوبایده کی امامین قولی اصول تجارتیه دها زیاده موافق بولمغله وکیل بیعک موکل بهی غین فاحش ایله صاته میه جغه دائر قانونه بر فقره علاوه قلندی .

قومیسونجیلره کمنجه برموکلک امر حسابنه و کندی نامه اجرای معاملات تجاریه ایله مشغول شخصه قومیسونجی اطلاق اولنمقده در . اشبو تعریفه کوره بونلر دخی بر نوع وکیل دیمک ایسه ده معلوم عالی بیورلینی اوزره قوانین مدنییه عثمانیه به نظراً وکیلک علی الخصوص قومیسونجی کی عقدی نفسنه اضافه ایدن وکیلک موکل بهی کفالت ایتسی جائز اوله ماز چونکه برکیمسه ایفاسنی تمهد ایلدیکی ایشی دفه نایه ده تمهد ایده من حالبوکه عالم تجارتده قومیسونجینک فوق العاده اجرت اخذیله موکل بهی کفالت ایتسی دول غریبه نك کافه سنده و ممالک عثمانیه پیاسه لرنده بیله مرعی اولدیقندن بوقاعدنك بزده دخی قبولی و بوکا دائر قانونه بر ماده درجی قومیسون عاجزانه مزجه قرارگیر اولدی .

قره دن و نهرلردن اشیا نقلی خصوصی عهد قریبه شمندوفرلرک تکثیری و انهار کیره ده سیر سفائن اصولنک توسعی سایه سنده فوق العاده کسب اهمیت ایتش اولمغله بوکا دائر دخی اصول مخصوصه وضعنه ابتدار اولنهرق نقل تذکره سنک تعیین شکنه اعتنا و تذکره نك امره محرر و یاخود حامله عائد اولمق اوزره تنظیم قلمه جنی و مرسلک انای نقل و سفرده امتعه منقوله یی بیع ایده بیله جکی و نقل اولنان اشیانک دوجار ضیاع و خسار اولدینی تقدیرده اولنهرجق معامله نك تفصیلاتی و بوبایده جریان ایدن اسباب حکم و تضمینات و واسطه نقلیه صاحبنک امتیازی حقنده جریان ایدن اصول صورت مکملده تعیین قلمشدر .

اشبو فصلده مرسل الیه حق دخی صورت واضحده تعیین اولنمشدر شوبه که امتعه منقوله نك تسلیمی صره سنده انای راهده دوجار اولدیغنه دلالت ایدر علائم ظاهره موجود اولمسه بیله انلری آچوب معاینه


ایتمک مرسل الیه حق واردر . فی الحقیقه اجرت نقلیه نك اعطاسی و امتعه منقوله نك بلا اعتراض قبولی واسطه نقلیه صاحبی علیهنده وقوع بولهرجق دعاوینک عدم استماعی استلزام ایدر ایسه ده مرسل الیه خسارات واقع اشیانک واسطه نقلیه صاحبیه اعطا قانیدی زمان ایله مرسل الیه رد و تسلیم اولدینی زمان اره سنده گذران اولان مدت ظرفنده حانت اولدیغنی اثبات ایلر ایسه ضایعات مذکورنك انای تسلیمنده علائمی ظاهر اولمادیغنی تقدیرده بونلردن طولانی ناقل علیهنده اقامه دعوی حقنه خلل کمنز فقط معاینه طلبنک امتعه نك تاریخ تسلمندن اعتباراً الی کون ظرفنده درمیان اولنمی شرطدر .

اشبو قانون لایحه سنده شایان دقت اولان برجهت دخی شمندوفر قومپانیه لرینک اشیا نقلی خصوصنده کی وظائف و مسئولینک تحدیدی خصوصنده قبول اولنان شروطک کائن یکن عد اولنمیدر . شوقدر وارکه اگر شروط مذکوره اجرت نقلیه نك تنقیضی مقابلنده قبول اولنمش ایسه مستبر اولور .

الیوم مرعی اولان قانون تجارت بریده سیغورطه حقند برکونه اصول موجود اولیوب تجارت بحریه قانوننده دخی یالکیز بحری سیغورطه لر حقنده بعض قواعد موضوع ایسه ده بونلرک بری سیغورطه لره تطبیقی قابل اوله مدیقندن بوکونه قدر محاکم تجاریه ده سیغورطه حقنده کی دعاوی کیشی کوزل بر صورتده حل اولنمقده ایدی . بناءً علیه اشبو نقصانک اکلی ضمیمه بری سیغورطه حقنده برطاقم قواعد وضعنه ابتدار اولنهرق اول امرده سیغورطه مقاوله سی تحریف و مقاوله نك مطابقاً تحریری اولمسی بیان اولنهرق شکلی تعیین و مدیونک خسارینه و حریق و قره و نهرلردن اشیا نقل اولنورکن وقوع بولان ضایعاته قارشو اجرا اولنان سیغورطه لرک تابع اولدقلمی قواعد دائر ایضاحات و افیه اعطا قلمش و حیات سیغورطه سی حقنده دخی مواد مخصوصه درج اولنهرق ورثه دن هر هانکیسی نامه سیغورطه عقد اولنمش ایسه عاقدک حین وفاتنده یالکیز اوکسنه مستفید اولوب ورثه سائر نك بدل سیغورطه به مداخله صلاحیتلری اولمادیغنی تعیین قلمشدر .

اوروپا تجارت قانونلرنده رهن تجاری حقنده قواعد مخصوصه مندرج بولمغله بزده دخی بوکا دائر احکام مخصوصه وضعی یکن لازم ایدی . چونکه قوانین مدنییه اقتضاسنجه مرته نك صنع و تقصیری اولمقسزین مرهونک قسماً و یاخود کاملاً ضیاعی تقدیرنده دخی قسماً و یاخود کاملاً ساقط اولور . حالبوکه عالم تجارتده بوحالک مستلزم اولدینی مشکلات تعریفدن ازاده در . فقه شافعیده و اوروپا قوانین تجاریه سنده اولدینی کی اشبو قانوننامه ده دخی مرهون امانت قیادن عد اولنهرق مرته نك صنع تقصیری اولمقسزین رهنک ضیاعی تقدیرنده دینه اصلاً خلل کلامک اوزره بر قاعده قبول ازلنمش وثانیاً دین وعد سنده ایفا قلمدیغنی تقدیرده رهنک حکمیه مراجعتله رهنک صابلی حقنده حکم استحصالنه حاجت قالمقسزین اجرا مأموری معرفتیه صاندریلوب قلمشدر استیفای دین ایدلمی اساسی وضع اولنمش و بونی تأمین ضمیمه عقد رهنک تحریری اولمسی لزومی بیان قلمشدر .

لايحه قانونيه نك نهايتنه دخي امتعه تجاريه حفظ وتوديعه مخصوص عمومي مغازله تائيس وكشادي وبونلره مودوع امتعه نك صورت ترهين وفروختي وبونلرداثر مغازه اداره سنده ويريله جك قوچاني سندانك صورت تحريري وآخره دور وحواله سي حقنده ايجاب ايدن قواعد بسط وتمهيد قلنش اولغله اولبايده .



تبليغات عروب

عدليه نظارت جليله سندن تسطير بيوريلان ٣ تموز ١٣٢٦ تاريخي تحريرات عموميه صورتيدر :

« عدليه مخصصاتك ايجابات محليه كوره ملحقاته تفريق ماده سنده تعريفنامه

مندرجاتك مأمورين عدليه به نظر دفته النسي لزومه دائر »

جرائم مشهوديه عزيمت ايدن مأمورين خرج راهلرينك محكمه قراريني متعاقب تسويه سيله سندانك بعده بحناس اداره به تفريق ايتديرلمسي لزومي تبليغ ايدلمشدي . مصارف غير مقتنه نك لزوم صرفي تعين ايتدجكه لودان قضايه حواله نامه كوندرلمه مسي طشره لرحه بودجيه عائد طوتيله جق قيود حقنده كي تعريفنامه ده كوسترلمش ايسه ده هردائر نك تخصيصاتي داخنده اولمق شرطيله مأمورين عائدسي طرفندن لزوم كوستريله جك مصارف ايچون حواله اعطاسنه مأمورين ماليه نك مجبور بولملري جهتيله عدليه مخصصاتك ايجابات محليه به كوره ملحقاته تفريقي ماده سنده ذكر اولنان تعريفنامه مندراجاتك مأمورين عدليه جهده نظر دفته النسي لزومي ماليه نظارت جليله سندن وقوع بولان اشعار اوزرينه بيان وتبليغ اولنور .

عدليه نظارت جليله سندن تسطير بيوريلان ٢٦ حزيران ١٣٢٦ تاريخي تحريرات عموميه صورتيدر :

« پوسته لرله يالكز اوراق رسميه نك بلا اجرت نقل ايديله جكنه وحقوق عموميه نك

غيري دعاوي به عائد اوراق وسائر نك اجر تاريله برلكده پوسته لر تسليمي لزومه دائر »

اوراق رسميه نك پوسته لرله بلا اجرت قبول ونقللري پوسته نظامنامه داخيليسنك طقوزنجي ماده سي موجبجه بونلرك امور دولته متعلق اولملرينه متوقف بولنديني حالده بعض مأمورين عدليه طرفلرندن حقوق شخصيه دن متولد دعاوي به عائد اوراقك دخي طرز رسميه بلا اجوت پوسته خانلره توديع ايدلمكده اولديني بيانيله بعدما حقوق عموميه نك غيري دعاوي به عائد اوراق وسائر نك ايجابندن تحصيل اولنه جق اجر تاريله برلكده پوسته لر تسليمي اسبابنك استكمالي پوسته وتاغراف مديريت عموميه سنك اشعارينه عطفاً ماليه نظارت جليله سندن با تذكرة تبليغ ايدلمش اولغله اولوجه ايفاي مقتضاسي توصيه اولنور افندم

محكمه تميز مفراني

محكمه تميز استدعا دائره سندن صادر اولان ٦ نيسان سنه ٣٢٦ تاريخي ٣٩٧ نومرولي اعلام صورتيدر :

« مدعي شخصي طرفندن طلب ودعوا وقوع بولادي حالده حكمده سبق دعونك

مشروطيتي قاعده اساسيه سنه بناء مصارف جراحيه وايام معطله اجوراته حكم

ايدلميه جكنه وايام معطله اجر مثلك ارباب وقوفه تعين ايتديرلسي لزومه دائر »

ايدن ولايتي استيناف محكمه سي جنجه دائره سندن تنظيم واعطا قانان ٢٣ شباط سنه ٣٢٥ تاريخ وبشپوزسكسان نومرولي اعلامك تميزاً تدقيق طلبني حاوي چركس موس اوغلي مصطفى جانبندن معطي استدعنامه واوراق مقررعه سي باش مدعي عموميك مأموريت بهيه سندن بانبايعنامه بش شباط ٣٢٦ تاريخنده محكمه تميز استدعا دائره سنه توديع اولنش ولدالتدقيق مذكور استدعنامه نك مدت معينه قانونيه سي طرفنده اعطا وشرايط لازمه سائر نك دخي ايفا قلنديني اكلاشلمش اولغله بالقبول تدقيقات تميزيه اجراسنه ابتدار قلندي . اعلام مذكورك خلاصه مالي باركيجي علي جرح ايتديكي اخباراته انضمام ايدن طيب راپوري مندراجاتي دلايله ثابت اولان مستدعي مصطفىانك قانون جزانك يوزتمش سكرنجي ماده سي حكمه توفيقاً ايكي ماه حبسنه ومدعينك ايام تعطيليه سي اجرتي اولان التمش كون ايچون بشرغروشدن اوچيوز غروشك كندوسندن بالتحصيل مدعي به اعطاسنه دائره بدايه ويريلان اعلام محكوم مرقوم جانبندن استيناف ايدلمسكه اولبايده اجرا قلنان محاكمه وتدقيقات استينافيه نتيجه سنده بدايه جريان ايدن محاكمه اصوله وتحديد ايديلان جزاده ماده مذكور حكمه مطابق وحداعتداله ايدوكي بيانيله تصديقه قرار ويرلديكني متضمندر .

لايحه تميزيه ده استيناف اعلامنده محاكمه نك علناً اجرا قلنديغنك تصريح و بدايه اجرا قلنان محاكمه ده شهود مستمع نك ذات وشهادتلري حقنده برديه جكي اولوب اولمادي استفسار ايدلمديكي كبي وتاريخ وقوعاتدن ايكي ماه صكره مدعينك ادعاسني حكايه دن عبارت ومغاير فن اوله رق تنظيم قلنش اولان طيب راپورنده معينه ايديلان كيمسه نك اسمي ذكر ويبسان ايدلمديكي جهتيله مشتكي مرقوم علي به عائد نك مجهول بولنسي وادعاي شخصي سبق ايتديكي حالده اوچيوز غروش ايام تعطيليه تقدير وحكم اولنسي مغاير قانون ايدوكندن بختله اعلام استينافينك نقضي استدعا ايدلمديكي كبي تبليغنامه ده دخي طلب ودعوي سبق ايتديكي حالده حقوق شخصيه حكم ايدلمش اولميسندن دولاي لاايحه تميزيه ده درميان اولنان اعتراض وارد وبجا ونقض حكمي مستلزم اسبابدن اولديني بيانيله مذكور اعلامك نقضي لزومي كوسترلمشدر . ايجابي لذي المذاكره مندراجات اعلامدن منفهم اولديني اوزره مظلون مصطفىانك نوع جرمي تعين

امرنده استناد ايديلان طيب راپورى حامل ورقه مك معاينه سى يولنده مدعى عمومىك مقامندن كوندريلان ورقه زيرينه كذلك تعين اسم ايدىكسزىن يازيلان شرحدن عبارت اولمقله برابر معاينه اولنان شخصك صول طرفنده كوريلان آثار ضربك ايكى آى قدر تداوى اولندينى تقديرده انتيام بوله جغنى ناطق اوله رق قطيت افاده ايمه مكده بولنش اولدينى حالده مجروح على به عايدتى صورته كورده تكرر واجراى معاينه به لزوم واحتياج كوسترمكده اولان شرح مذ كورك مدار حكم عد ايدلى ومجروح مرقومك اوراق ميانه موجود دعوى عرضالى حقوق شخصيه سندن دولاي برطلب وادعاى متضمن اولندينى ومظنونك حركت مثبتسك تماس ايدلىكى جزا قانوننامه هايونيك يوزتمش سكرنجى ماده سنده تحت حكمه النهجنى بيان اولنان مصارف جراحيه وايام معطله اجورأتى حكمده سبق دعوانك مشروطيتى قاعده اساسيه سنه بناء مدعى شخصى طرفندن طلب ودعوى وقوعه متوقف بولندينى حالده بوراسى وايام معطله اجر مثلك ارباب وقونه تعين ايتديرك واسباب ثبوتيه سى ازانلق لزومه قارشو محكمه جه دوغرى دن دوغرى يه التمش كون ايچون بشر غروشدن اوچيوز غروشدن مظنون مرقومدن تحصيله حكم اولملى كى محكمه بدايجه وتوع بولان خطيات ونواقصدن دولاي حكم مذ كورك عندالاستيناف فسجى ونواقص مذ كورده اكلى صورتيه ايشك درجه ثانيه واحكام قانونيه به موافق صورته قراره ربطى لازم كمش ايكن بوجهاى تضمن ايدن اعتراضات استينافيه نك احكام قانونيه ايله قابل تاليف وتوفيق اولمايان مطالعاته ابتداء رديله تصديق جهته كيدلى يولمز ومستلزم نقض اولوب لايحه تميزيه محتوياتى تبليغنامه ده دخى مرقم اولدينى اوزره بوسورتله وارد وبجا كورنديكندن اصول محاكمات جزائيه قانوننك اوچيوز اون دردنچى و اوچيوز اون طقوزنجى ماده لرى منطوقجه اعلام استينافيك اسباب محرردن ناشى نقصيله احكام قانونيه دائره سنده ايفائى معامله اولمق اوزره اوراق متعلقه سندن محكمه مذ كورده اعاده سنه وايكى يوز غروش اعلام خرجنك تعرفه وتعليات مخصوصه سنه توفيقاً اياروده حقنده چيجه حق طرفدن تحصيله ٦ نيسان ٣٢٦ سنه تاريخنده متفقاً قرار ويرلدى.

محكمه تميز استندا دائره سندن صادر اولان ٢٧ مارت سنه ٣٢٦ تاريخلى و ٣٣٠ نومرولى اعلام صورتيدن:

« مسئله مستأخره دن دولاي مرجعه مراجعت ايدلك اوزره مناسب مهل اعطاسيله كيفيتك جهت جزائيه سى مرجعندن صادر اوله جق حكمه تعليقاً تأخير قلنق لازم كلوركن امرتديقانه ايتدارله اتخاذ قرار اولملى نقض حكمى مستلزمدر »

ايدىن ولايتى استيناف محكمه سى جنجه دائره سندن تنظيم واعطا قلنان ١٣ مارت سنه ٣٢٥ تاريخلى وبشيوز اون طقوز نومرولى اعلامك تميزاً تدقيقى طلبى حاوى ولايت مذ كوره اورمان اداره سى جانبندن معطى استندا نامه واوراق متفرعه سى باش مدعى عمومىك مأموريت بهيه سندن با تبليغنامه ٢٢ مارت سنه

٣٢٦ تاريخنده محكمه تميز استندا دائره سنه توديع اولنش ولدى التدقيق مذ كور استدعائمه نك مدت معينه قانونيه سى طرفنده اعطا قلندينى اكلاشلمش اولمقله بالقبول تدقيقات تميزيه اجراسنه ابتدار قلندى .

اعلام مذ كورك خلاصه مالى اورله به تابع صهرنج قريه سى جوارنده كائن پرى اورمانك چاپلق نام موقعندن بلا رخصت قرق بش عدد چام اشجارى قطع ايدلىكى ادعا اولنان قريه مزبورده حاجى عثمان اوغلى عثمانك عدم مسئوليته دائر بدايه ويريلان اعلام اورمان اداره سى جانبندن استيناف ايدلكله اولبابده اجرا قلنان محاكمه وتدقيقات استينافيه نتيجه سنده مدعا به اشجارك مرقومك تحت تصرفنده بولنان اراضى داخنده اولدينى سند خاقانى مندرجاتى وشهادتله ثابت اولمسنه وضبط ورقه سى ايسه سند مذ كورى اهميتدن اسقاط وخلافى اثبات ايدميه جكى كى مرعى ومعتبر اولان مذ كور سنده قارشو بشقه جه تدقيقاته دخى لزوم قانونى كوريله مه سنه بناء فسح حكمى موجب اسباب قانونيه دن عارى بولنان اعتراضاتك رديله اصول وقانونه موافق كوريلان اعلام مذ كورك تصديقه قرار ويرلديكى متضمندر .

تميز استندا ناه سنده درميان ايدلىكى اسباب ثبوتيه نك غير كائى عديله نقصان تدقيقاته متعلق اولان اعتراضاتك دخى بلاسبب ردينه قرار ويراسى مغاير قانون ايدوكندن بحثله مذ كور اعلام استينافيك نقضى استندا اولنش تبليغنامه ده دخى مظنون عليه مرقوم طرفندن اثنائى محاكمه ابتدائيه ده قطع ايدلىكى ادعا اولنان اشجار تحت تصرفنده بولنان اراضى داخنده بولندينى بيان ايديله رك بوبابده برده سند خاقانى ابراز اولنش وبناء عليه ايشده مسئله مستأخره كورلمش اولديغندن اول امرده تصرف مسئله سندن مرجع مخصوصنجه تدقيق ورؤيته حاصل اوله جق نتيجه به كوره برحكم ويرلك اوزره دعواى حاضر نك تأخيرينه قرار ويرلك مقتضى اصول وقانون بولنش ايكن عندالاستيناف بوراسنه دقت اولمقسزىن حكم ابتدائيك تصديق ايدلىسى يولمز ومخالف اصول وقانون اولوب تميز استدعائمه سى محتوياتى بو طريقه بجا كورلمش اولدينى بيانيله اعلام مذ كورك نقضى لزومى كوسترلمشدر .

ايجائى لى المذاكره اوراق متعلقه مندرجاتندن استنباط اولندينى اوزره اثنائى محاكمه ابتدائيه ده اورمان اداره سى وكيلى جانبندن ابراز ايديلان ضبط ورقه سنده قطعات اجرا قلنان محلك ميرى اورمانى ايدوكى كوسترلمش ومظنون عثمان طرفندن دخى محل مذ كورك عهده تصرفنده اولدينى بيان وادعا وبر قطعه طاپو سندن دخى ابراز واعطا اولمقله برابر شهود مستمع نك افاداتى دخى بوسورتى مؤيد بولنش اولمسنه قارشو وكيل مومى اليه دن استيضاح كيفى اولمق ومحل مذ كورك ميرى اورمانى ايدوكى ادعا سنده اصرار ايدلىكى ويامبرز طاپو سندن ديك محل حقنده ايدوكى يولنده مدافعاته بولندينى تقديرده مظنونك مقدمه بينه ابرازيله تنوير مدعا ايتسندن ناشى ايشده حادث اولان مسئله مستأخره دن دولاي مرجعه مراجعت ايتك اوزره وكيل مومى اليه مناسب مهل اعطاسيله كيفيتك جهت جزائيه سى مرجعندن صادر اوله جق حكمه تعليقاً تأخير قلنق لازم كلوركن درجه اولى محكمه سنجه دائره صلاحيت خارجنده اولارق مسئله مذ كورده نك

امر تدقیقاته ابتدار و ذکر اولسان محلك جهت عائدتی نقطه سندن مظنونك عدم مسئولیتی یولنده اتخاذ قرار اولمسنك تشكیل ایلدیکی اسباب فسحیه عندالاستیناف نظر دفته التمسین قرار مذکورك اصابندن بخله تصدیق ایدلمسی تبلیغنامه ده دخی مرقم اولدیگی وجهله یولسز ومغایر اصول وقانون اولوب تمیز استدعا نامه سی محتویاتی بو صورتله واردوبجا کورندیکندن اصول محاکمات جزائییه قانونك اوچیوز اون دردنجی واوچیوز اون طقوزنجی ماده لری منظوقجه اعلام استینافینك بوندن دولایي نقضیه احکام قانونیه دائره سنده ایفای معامله اولمق اوزره اوراق متعلقه سنك محکمه مذکوره یه اعاده سنه وایکی یوز غروش اعلام خرجنك تعرفه وتعلیمات مخصوصه سی موجبجه ایلروده حقسز چیه حق طرفدن استیفا سنه ۲۷ مارت سنه ۳۲۶ تاریخنده متفقاً قرار ویرلدی .

محکمه تمیز استدعا دائره سندن صادر اولان ۱۳ نیسان سنه ۳۲۶ تاریخلی و ۴۷۸ نومرولی اعلام صورتیدر :
« یوم تبلیغك اعتراض مدته داخل حساب اوله میه جغه دائر »

تیران قضاسی بدایت محکمه سی جزا دائره سندن تنظیم واعطا قلنان ۲۳ شباط سنه ۳۲۵ تاریخ واوچیوز اوتوز اتی نومرولی اعلامك تمیزاً تدقیق طلبی حاوی حاجی جعفر قورطی جانبندن معطی استدعانا مه واوراق متفرعه سی باش مدعی عمومیلک مأموریت بهیه سندن باتلیغ نامه ۱۱ نیسان سنه ۳۲۶ تاریخنده محکمه تمیز استدعا دائره سنه تودیغ اولمش ولدی التدقیق مذکور استدعانا مه ك مدت معینه سی ظرفنده ویرلدیکی وشراط قانونیه یی جامع ایدوکی اكلاشلمش ایدو كندن بالقبول تدقیقات تمیزیه اجراسنه ابتدار اولندی .

اعلام مذکورك خلاصه مالی حسین سلیمانك چارینه حیوان صالیویره رك ایراث خسار ایتدیکی ادعا قلنان مستدعی حاجی جعفر قورطینك فعل مذکوره جرأتی عندالحا که استماع اولنان شهودك شهادتی ومشتكینك حصر ادعاسی وکندوسنك دعوت قانونیه یه عدم اجابتی دلالتیه ثابت اولدیغندن بخله قانون جزانك ایکی یوز التمش برنجی ماده سنه توفیقاً اون بشلک جزای نقدی ایله محکومیتنه ودرتیوز غروش ضرر وزیانك تحصیلیه مشتکی به اعطاسنه دائر لاحق اولان حکم غیابی علیه محکوم مرقوم جانبندن اعطا ایدیلن اعتراض علی الحکم استدعانا مه سی اوزرینه جریان ایدن تدقیقات وجاهیه نتیجه سنده اعلام غیابی معترض حاجی جعفر قورطی یه ۲۲ کانون ثانی سنه ۳۲۵ تاریخنده تبلیغ ایدلیدیکی اعتراض استدعانا مه سنك ایسه ۲۵ کانون ثانی سنه ۳۲۵ تاریخنده ویرلیدیکی اكلاشلمش وحال بوکه بوکی قباحت فعللری حقنده کی حکملره اوچ کون ظرفنده اعتراض ایدلک اصول محاکمات جزائییه قانونك یوز قرق برنجی ماده سی ایجابندن بولمش ایدوکی بیانیه دردنجی کونی اعطا ایدلیدیکی نمایان اولان اعتراض عر ضحانك ردینه قرار ویرلیدیکی متضمندر تمیز استدعانا مه سنده یوم تبلیغك داخل حساب ایدلمسی لازم کلیه چکی اصول متخذه ایجابندن ایکن محکمه

مذکوره جه یوم تبلیغ داخل حساب ایدیلهرک مرور مدتدن دولایي اعتراض عر ضحانك ردینه قرار ویرلمسنك مخالفت قانونیه سندن بخله اعلام مذکورك نقضی استدعا اولمش تبلیغنامه ده دخی اعتراض واقعك بجا ایدوکی بیانیه اعلام ممیز بهك نقضی لزومی کوسترلشدر .

ایجابی لدی المذکره اوراق متعلقه مندرجاتندن منضم اولدیگی اوزره ایراث خسار ماده سندن دولایي جزای نقدی وتضمینات ایله غیاباً محکوم اولان مظنون حاجی جعفر قورطی طرفندن حکم غیابی یی متضمن اولان اعلام ابتدائی علیه تنظیم قلنان اعتراض عر ضحانك ۲۵ کانون ثانی سنه ۳۲۵ تاریخنده محکمه قلمنه قید ایتدیرلش واعلام مذکورك دخی کندوسنه ۲۲ کانون ثانی سنه ۳۲۵ تاریخنده تبلیغ قلنمش اولمسنه ومحاكمجه اوتهدنبرو متخذ ومرعی اولان اصول ایجابجه یوم تبلیغك داخل حساب اوله میه جغه نظراً ذکر اولنان اعتراض عر ضحانك اوچ کوندن عبارت اولان مدت اعتراض ظرفنده ویرلیدیکی متحقق ایکن محکمه بدایجه یوم تبلیغ دخی داخل حساب ایدلک صورتیه عر ضحال مذکورك مرور مدتدن دولایي ردینه قرار ویرلمسی یولسز ومستلزم نقض احوالندن اولوب تمیز استدعانا مه سنك بو جهتی تضمن ایدن فقره سی تبلیغنامه ده دخی کوسترلیدیکی اوزره واردوبجا کورندیکندن اصول محاکمات جزائییه قانونك اوچیوز اون دردنجی واوچیوز اون طقوزنجی ماده لرینه توفیقاً قرار مذکور اعلامك بوندن دولایي نقضیه احکام قانونیه دائره سنده ایفای معامله اولمق اوزره اوراق متعلقه سنك محکمه مذکوره یه و تمیز جزای نقدی اوله رق اولجه تسلیم وزنه ایدلمش اولان بش ایرانك دخی قانون مزبورك اوچیوز قرق اوچنجی ماده سی موجبجه مستدعی حاجی جعفر قورطی یه اعاده سنه وایکی یوز غروش اعلام خرجنك تعرفه وتعلیمات مخصوصه سنه توفیقاً ایلروده حقسز چیه حق طرفدن استیفا سنه ۱۳ شباط سنه ۳۲۶ تاریخنده متفقاً قرار ویرلدی .

محکمه تمیز استدعا دائره سندن صادر اولان ۲۹ مارت سنه ۳۲۶ تاریخلی و ۳۷۹ نومرولی اعلام صورتیدر :

« اشخاص مظنوننه دن شهادتنامه ارسالیه خسته لکنی بیلدیرلرک یوم محاکمه لرینك اقامتگاهلرنده طبیب بولمیدیغندن دولایي وقت آخره تعلیق مقتضی ایکن شو حق قانونلرینك اخلاص ایدلمسی وقبل الاستجواب حاضر بولمیان مظنونلرک اوصاف واشکالانك استیضاح واستفسار یله دیکر لرندن تمیز ایده جك صورتده هویتلرینك شهوده تعیین وتصریغ ایتدیرلمکله برابر حین رؤیتده تشخیص ایده جکلرینی بیان ایتدکلری اشخاص مظنوننه میاننده حاضر بالحاکمه اولان مظنونلرک موجود اولوب اولمادقلرینك استفسازی لازم اولدیگی حالده شو امر مهم قانونیه رعایت ایدلامسی مستلزم نقضدر »

سلانیک ولایتی استیناف محکمه سی جنبه دائره سندن تنظیم واعطا قلنان ۲۱ شباط سنه ۳۲۵ تاریخ ودرتیوز اوتوز بر نومرولی اعلامك تمیزاً تدقیق طلبی حاوی محکمه مذکوره مدعی عمومیلکی جانبندن


معطى استدعانا مه اوراق متفرعه سيله برانكده باش مدعى عموميك مأموريت بهيه سندن باتبايعنامه ٢٨ مارت سنه ٣٢٦ تاريخده محكمه تميز استدعا دائره سنه توديع ايدملكه ولدى التدقيق مذكور استدعانا مهك مدت قانونيه سى ظرفده اعطا قلندينى اكلاشمقله بالقبول تدقيقات تميزه اجراسنه ابتدار ايدلى .

اعلام مذكور خلاصه مالى خرسا كى افدى ايله سكبان اوستويانى ضرب ايتدكرى ادعاسيله مضمون عليهم اولان اشخاصدن عثمان بن حسن واحمد بن حسن ونظمى بن حسن ايله رفعت بكك قانون جزائك يوز ايتش طقوزنجى ماده سى حكمنه توفيقاً وسكبان اوستويانك حريتى سلب ايله كوملجنه ناحيه سنه قدر آلوب كتورملرينك سبب شدت عدليه بكرميشر كون حبسارينه وخرستو طريقو وخرستو فونده ومحمد صوباشى اوغلى بخور وارناوود بسيمك فعل مذكوره وخرستا كينك حبس نامشروع وسكبان اوستويانك تشهير سلاحه جراتلرى ثابت اوله ماديعندن بحثله براتلرينه دائر لاحق اولان حكم ابتدائى اعلامى محكوم مرقومون رفعت بك وعثمان واحد ايله نظمى جانبندن استيناف اولمى اوزرينه سبق ايدن محاكمه وتدقيقات استينافيه نتيجه سنه مستأنفلر طرفندن درميان اولنان اعتراضاتك انكار جرمدين عبارت بولندينى جهته حكم ابتدائى مذكورك مندرجاتنه نظراً غير وارد اولديغندن ردينه وبدايه مضمونلرك برقمى شهود وبرقمى ده مشتكيلر تعيين ايتش اولملى حسديه هويتلرى تعيين ومحل وقعه ده موجود اشخاصدن متعرض ومتجاوزلرك كيملر اولدينى شك وترددن وارسته برصورتده تحقق ايتش ايدوكندن بحثله اعلام مستأنف بك تصديقه قرار ويرلديكى متضمندر .

لايحه تميزه ده مضمونلردن رفعت بكك بدايه دعوت قانونيه به عدم اجابتى راحتسز بولمى سندن ايلرو كلديكى ميين اولوب قريه ده طيب بولنامق اعتباريله شهادتنامه ارسال ايدلىكي حالده درجه اولى محكمه سنجه نظر اعتباره النمايه رق غيباً رؤيت دعوايه قرار ويرلوب كندوسنك حق مدافعه سى تأمين ايدلمه مش اولمى فسح حكمى موجب اسباب قانونيه دن ايكن عندالاستيناف بوجهتك تدقيق ايدلمه سى واساس دعوايه دائر استماع قلنان شهوددن هربرى اسملرى بيلمه يوب شخصاً كورسه طانيه بيله جكلرى مضمون عربيه جيلرك مشتكيلرى ضرب ايتدكرى افاده ويان ايتدكرى حالده مضمونلرله مواجهه ايتديرلمديكى كى هويتلرى حقنده بركونا تحقيقات اجرا ايدلمه سى ومحل حادثه ده اون درت عربيه جى موجود اولوب مرقومونك مجتمعاً كندولرى ضرب وجرح ايتدكرى مشتكيلر ادعا ايدرك شهود مستمعه فعل ضربك كيملر طرفندن ايقاع ايدلىكي حقنده قطعى بيانده بولمادقلرى حالده مشتكيلرك حصر ادعاسى اوزرينه برقاچ شخصك محكوميتلرى جهته كيديله رك محكمه استينافيه به شهودك تكرار بالاستماع ضاربلك تعيين ايتديرلمه سى واعلام ابتدائيه مضبوط افاده لرى مشتكى وشاهدلر رفعت بكك فعل ضربه اشتراك ايتيوب انجق اجرا اولنديغه متمداً بيان ايدلكرى وفعل ضربه بركونا اسباب مشدده بولمادقنى حالده بلاتدقيق حكم ابتدائىك تصديقه قرار ويرلمى

مخالف اصول وقانون ايدوكندن بحثله اعلام استينافينك نقضى طلب ايدلىكي كى تبليغنامه ده دخى اعتراضات واقعك وارد وبجا بولنش اولدينى بيانيه اعلام مذكورك نقضى لزومى مرقم بولمشدر .

ايجابى لى المذا كره اوراق متعلقه مندرجاتندن استنباط اولندينى اوزره درجه اولى محكمه سنجه تعيين اولنان يوم محا كهمده شهادتنامه ارساليله خسته لكندن محكمه سى خبردار ايتش اولان اشخاص مضمونلردن رفعت بكك يوم اخره تعلق محا كهمه طلبك حقوق مدافعه سنه تعلق جهته واقامتكاهنده طيب بولنامسى اعتباريله ترويجى اصولاً مقتضى ايكن شوق قانونيسى اخلاص ايدلىكي كى كرك مومى اليهك وكرك دعوتو اجابت ايتيان ديكر مضمونلرك عن الغياب اجرا ايدلان محا كهملى انساننده جلب واستماع اولنان شاهدلردن قبل الاستجواب حاضر بولميان مضمونلرك اوصاف واشكالك استيضاح واستفساريله ديكرلردن تميز ايدمكك صورتده هويتلرينك شهود مرقومه به تعيين وتصريح ايتديرلمكك برابر حين رؤيتده تشخيص ايدمكك جكلرى بيان ايتدكرى اشخاص مضمونه مياننده حاضر بالمحا كهم اولان مضمونلرك موجود اولوب اولمادقلرينك استفسارى مقتضى اولدينى حالده شو امر مهم قانونيه رعايت ايدلمه سى مستلزم فسح احوالدين اولدينى حالده محكمه استينافيه به احوال مذكوره كك تضمن ايدلىكي خطيات قانونيه ونواقص اصوليه به قارشو حكم ابتدائىك اصابتندن بحثله تصديق ايدلمى يولمز ومغاير اصول وقانون اولوب تبليغنامه محتوياتيله لايحه تميزه مؤداسى وجهله وارد وبجا كورنديكندن اصول محا كهمات جزائيه قانونك (٣١٤) و (٣١٩) نجى ماده لرى منطوقجه اعلام استينافينك اسباب محرره دن ناشى تقضيه احكام قانونيه دائره سنه ايفاي معامله اولمق اوزره اوراق دعوانك محلته اعاده سنه وايكى يوز غروش اعلام خرجك تعرفه وتعليمات مخصوصه سى موجبجه ايلروده حقمنز چيحه جق طرفندن استيفاسنه ٢٩ مارت ٣٢٦ سنه تاريخده مققاً قرار ويرلدى .



محكمه تميز حقوق دائره سندن صادر اولان ٢٣ حزينان سنه ٣٢٦ تاريخلى ١٠٤٦ نومرولى اعلام صورتيدر:

« ورقه حكيمه كك اعلام صفتى اكتساب ايتى ايچون لازم اولان شرائطه دائر »

سيواسك كوردلر قريه سنه مقيم عثمان اوغلى صالح ايله نفس سيواسده مقيم تجاردن باينديريان ماردىروص اوغلى بدىروص بيننده متكون دعوايه دائر سيواس مركز بدايت محكمه سندن ٨ نيسان سنه ٣٢٦ تاريخى ويكرمى عددى ايله ويريلان قرار مرقوم صالح طرفندن مدت قانونيه سى ظرفده تميز اولنش واوراق تميزه صورتلرى ديكر طرفه تبليغ قلندينى حالده جواب لايحه سى ويرلماش اولمغه يالكز مستعينك اعتراض لايحه سيله بالمطالعه تدقيقات تميزه اجراسنه ابتدار اولدى .

قرار مذکور خلاصه مالی وقوعبولان اعتراض اوزرينه معترض صالحك استماع قلنان شاهدلر حقنده برکونا طعن وادعاده بولنامسنة بناء اعتراض استدعاناامه سنك رديله يوز طقسان غروش يكرمي پاره نك تحصيلاني متضمن اولان قرار معترض بهك تصديقه حكمدن ومستدعيناك اشبو حكم عليهنده لايحه سنده محرر باشلوجه اعتراضى كندوسنك مدعى مرقومه برکونا ديني اولمايوب بالعمكس كندوسنك مرقوم ذمتنده بغدادى ائماندن الاجنئ اولديغنى بيان ايتديكى حالد بوراسنك نظر دفته التامسى واستماع اولنان شهودك مجهول الاحوال كساندن بولنمى وامر تذكيره لرينك اجرا قلماسى يولسز ومغاير قانون اولديغندن بحشله اعلامك نقضى استدعاسندن عبارتدر . .

ايجابى لى المذاكره كيفيت مدعا بروجهمحرر حكمه ربط اولنمش ايسه ده اصول محاكمه قانونك ٦٥ و ١٣٦ نجى ماده لرند كوسترلديكى اوزره ورقة حكميه نك اعلام صفتى ا كتساب ايتكم ايجون اولا صورت دعواسى موضعاً بيان ايدلك ثانياً صورت انكارى يازلمق ثالثاً مدعينك اثبات مدعى ضمتنده ابراز ايتديكى اوراقل تاريخلى وماللى تحرير ايدلك رابعاً مدعى عليه رفع دعواده بولنمش ايسه كيفيت رفعى ايله اثبات مدافعه امرنده كوسترديكى ادلهسى ارانه قلمق خامساً دعوى شهادتله ثابت اولمش ايسه شهودك اساميسيله صورت شهادتلى وشهود مرقومه نك سراً وطرفين وشهود حاضر ايكن علناً تركيه ايدلديكى محرر بولنقى سادساً حكم يميندن نكوله مبنى ايسه صورت تخلفى بيان قلمق لابد واعلاماتك مافوق حكمه لرنجه تدقيق مندرجاتنه حصول امكان ايجون ضرورى ايكن بولنردن ذهول اولنهرق بروجهمحرر اعلامك صورت تنظيمنده مرعى بولنان اصول وقواعد مخالف اوله رق يالكز صورت حكم وقرارك كوسترلمسيله ا كتفا ايدلمسى يولسز اولديغنه وشوجه تله ورقة مذكوره اعلام شكلنده بولمادىغنه بناء قانون مذكورك ايكوز قرق برنجى وايكوز قرق دردنچى ماده لرى احكامنه توفيقاً حكم مذكورك نقضيله كيفيتك صورت محرره دائره سنده اعلامه ربطى ضمتنده محكمه مذكوره به اعاده سنده ودعواى واقعه ايكى يوز الى غروشدن دون اولمقله خرج تعرفه سنك ماده معدلهسى حكمنه توفيقاً اشبو اعلامك صورت وتبليغ خرج لرندن استئناسيله ماعدا زيرده مفرداتى مرقم يكرمى برغروش مصارف تميزه نك ايلروده حقسز چيقه جق طرفه عائد اولمسنه ٢٣ حزينان سنه ٣٢٦ تاريخنده متفقاً قرار ويرلدى .

محكمه تميز حقوق دائره سندن صادر اولان ٢٨ حزينان سنه ٣٢٦ تاريخلى و ٢٦ نومرولى اعلام صورتيدر .

« متوفايه دائر اولان شهادتده متوفى مشهور ومعروف اولمادىنى تقديرده شاهد متوفانك بابا ودهه سنك اسمنى ذكر ايلمى ودعوى تركه عليه وقوع بولدينى حالد مدعينك استظهاراً تخلفنك اجراسى لازم اولديغنه دائر »

آيدن ولايتى داخلنده مغله قصبه سنده مقيم اورمان باشكاتب سابق يوركى افندى ايله انقره ولايتى داخلنده ميخاليججق قضااسنه تابع قيو جق قريه سنده مقيم احمد چاوش اوغلى شريف يميننده متكون دعوايه دائر قضاء

مذكور بدايت محكمه سندن ١٨ تشرين ثانى سنه ٣٢٥ تاريخى ويكرمى طقوز عددى ايله ويريلان اعلام مومى ايله يوركى افندى طرفندن مدت قانونيهسى ظرفنده تميز اولنمش وعلى الاصول اوراق تميزيه صورتلى ديكر طرفه تبليغ قلندينى حالد جواب لايحهسى ويرلامش اولديغندن يالكز مستدعيناك اعتراض لايحه سيله بالمطالعہ تدقيقات تميزيه اجراسنه ابتدار اولندى .

اعلام مذكورك خلاصه مالی مزبور شريفك متوفى خرملبو ذمتنده جهت قرضدن باسند الاجنئ اولان بيك يوز غروشك متوفاي مرقومك تركه سنده واضع ايد بولنان برادري مومى ايله حاجى يوركيدن مع فائض ومصارف محاكمه تحصيلانى وويريله جك حكمك موقه اجراسى ومتوفانك بر باب خانه سنده وضع ايتديرىدى حرك تصديقى طلب ودعوى وبر قطعه سند ابراز واعطا ايلمى وتعيين قلنان كونده مدعى عليهك كوندرمش اولدينى استدعاده كندوسى متوفاي مرقومك وصيسى اولمديغندن و وكيل طوته جغندن بحشله مهل طابنده بولنمش ومكرراً كوندريلان دعوتيه ورقيهسى زيرينه يازدينى شرحنده وكيل طوته جغندن امر محاكمه نك امهالى طلب ايتمش اولدينى حالد نه بالذات كمش ونده بروكيل كوندرمامش اولديغندن طلب واقعك رديله محافظه حقوقى ضمتنده تعيين اولنان وكيل مسخر ك انكار مدعا ايتمهسى اوزرينه جريان ايدن محاكمه وتدقيقات نتيجه سنده مزبور شريفك متوفى خرملبو ذمتنده جهت قرضدن بيك يوز غروش الاجنئ اولدينى مبرز سند ايله وزيرنده موضوع مهرك متوفاي مرقومك كندو مهرى ايدوكى اولبابده استماع اولنان شهود معدله نك شهادتيله ثابت اولمسنه بناء مجله نك بيك سكز يوز اون سكزنجى واصول محاكمه حقوقيه قانونك ايكوز طقسانچى ماده لرى موجبجه مبلغ مذكور بيك يوز غروشك مع فائض ومصارف محاكمه متوفاي مرقومك اموالندن اولمق اوزره مومى ايله حاجى يوركيدن تحصيلنه وموضوع حرك تصديقه حكمدن ومستدعى تميزك اشبو حكم عليهنده لايحه سنده محرر باشلوجه اعتراضاتى حزينامه نك طرفه تبليغ ايدلمديكى كى اعلام ميزمه دخی درج ايدلماسى ودعواى واقعه ارندن متولد اولوب فصل وحسمى محكمه شرعيه عائد ايكن خلاف وظيفه اوله رق حقوق محكمه سنجه رؤيت وحكم اولنمى ووكيل مسخر طرفندن انكار اولنان مهرك تطبيق خط وخاتم قاعده سنده توفيق معامله ايدلماسى وكندوسندن باشقه دها ايكى نفر وارث بولندينى حالد مبلغ مذكورك مجموعنك كندوسندن تحصيلنه حكم ايدلمسى وكندوسى مغلده مقيم اولوب هر دعوى مدعى عليهك اقامتكاهى محكمه سنده رؤيت ايديله جكى احكام قانونيه اقتضاسندن ايكن بوراسندن دخی ذهول اولنمى مغاير قانون اولديغندن بحشله اعلام مذكورك نقضى استدعاسندن عبارت بولنمشدر .

ايجابى لى المذاكره كيفيت مدعا هر تقد بروجهمحرر حكم واعلامه ربط اولنمش ايسه ده دعوى وشهادت متوفى عليهنده بولنمش اولديغنه كوره مدعى عليه يوركينك ورثه دن بولندينى اثبات ايتديرك ومجله نك بيك التيوز طقسانچى ماده سنده بيان اولندينى اوزره شاهدلر متوفانك بابا ودهه سنك اسملى ذكر ايتكم لازم كلوركن بوندن ذهول ايدلمش اولدينى كى مجله نك بيك التيوز اون ويك التى يوز اون برنجى ماده لرى

وجهه بوكي مسائله خطك مشهور و متعارف اولمسنك ثبوتنه وابسته اولديني حاله خطك متوفانك اولديغه دائر ايكي شاهدك شهادتي قبول ايدلمسي و تطبيق خط ايچون مقياس تطبيق اتخاذا اولنه جق اوراقك موجود اولوب اولماديقي مدعيدين سسوال ايدلماسي و دعوي تركه عليه بولمسيه مجلهك بيك يديوز قرق التنجي مادهسي موجبجه مدعينك استظهاراً تحليفي اجرا قلماسي و تركيه عليه ده مترافان ايله حضوري مقتضي شهودك بولنديرلماسي دخی يولسر و اصول و قانونه مغاير كورلمش اولديغه بناءً اصول محاكمه حقوقيه قانونك ايكيوز اوتوز ايكنجي و ايكيوز قرق برنجي مادهلري موجبجه اعلام مذكورك تقضيله قانون مذكورك ايكيوز قرق دردنجي مادهسي حكمنه توفيقاً كيفيتك تكرار بالرؤيه اعلامه ربطي ضمننده محكمه مذكوره به اعاده سنده و زيرده مفرداتي مرقم درتيوز اوتوز ايكي غروش مصارف تميزيهك ايلروده حقسنر حقيقه جق طرفه عائد اولمسنه ٢٨ حزيران سنه ٣٢٦ تاريخده متفقاً قرار و يرلدي .

محكمه تميز حقوق دائره سندن صادر اولان ٢٢ حزيران سنه ٣٢٦ تاريخي و ٨٤٨ نومرولي اعلام صورتيدر:

« محكمه سبق دعوي شرط اولديغه مبنی مدعينك طلب ايتديكي متداردن فضله حكم اولمق نقض حكمي متلزمدر »

التنجي دائره بلديه ايله آخور قيوده ارامساز ايكنجي شمشدوفر طابورينك دردنجي بلوكي يوز باشيسي كامل افندي بيننده متحدث دعوايه دائر بك اوغلي بدايت محكمه سي ايكنجي حقوق دائره سندن ٢١ نيسان سنه ٣٢٦ تاريخي و ايكيوز عددي ايله و يريلوب مدت قانونيه سي ظرفنده دائره مذكوره و كيلى طرفندن تميز ايديلان اعلام باش مدعي عموميك مأموريتك مطالعه نامه سي الهرق طرفينك اعتراض و جواب لايحه ليله بالمطالع تديققات تميزيه اجرا سنده ابتدار قلندي .

اعلام مذكورك خلاصه مندرجاتي مومي اليه كامل افدينك و كيلى نوري افندي موكلانك فری قريه سنده باروتخانه جاده سنده كائن باسند خاقاني متصرف اولديني طقسان يدي نومرو ايله مرقم ايكيوز قرق ذراع مقاطعه لو برباب عرصه اوزرينه مبنی برباب آخوري خبر و معلوماتي اولمقسرين التنجي دائره بلديه مأمورلري جانبندن هدم ايديلهرك انقاضي دخی آخره صاتمش اولديغندن بحثله محل مذكورك كشفيله تحقق ايدجك قيمتيله بويوزدن دوچار اولديني ضرر و زياك مع فائض دائره مذكوره دن تحصيلي طلب و دعوي و ايكي قطعه سند خاقاني ابراز و اعطا ايتسنه قارشو مدعي عليه دائره مذكوره و كيلى حسن افندي بلديه قانوني موجبجه حسب الوظيفه مذكور آخورك هدم ايدلمش اولديني و دائره بلديهك ايفا ايتديكي بوكي وظائفدن متولد دعاوينك رؤتي محكمه ملكيه عائد و محاكمه نظاميهك وظيفه سندن خارج ايدوكني درميان ايتمسيه اول امرده محكمه به بوجهت بالتدقيق دعواي واقعه ضرر و زيان طلبندن عبارت اولمسنه كوره خصوص مدعاك

رؤتي محكمهك وظيفه سي داخلنده اولديني تحت قراره التدقندن صكره مدعي عليه و كيلى هدم اولنان انيه مدعي و كيلىك ابراز ايلديكي سند خاقانينك خارجنده و آخرك عهدۀ تصرفنده بولمغله خلاف نظام اولمسندن دولاني على الاصول هدم ايدلديكني بيان و مدعي و كيلى ده هدم اولنان انيه مذكوره سند خاقاني داخلنده و موكلانك عهدۀ تصرفنده بولنان محل اولديني افاده و درميان ايللري اوزرينه جريان ايدن محاكمه و كشف و تدقيقات نتيجه سنده محل منازع فيك مدعي و كيلىك ابراز ايلديكي تصرف سندن موافق اولديني كبي وقوعه كتوريان ضرر و زيانك دخی درت بيك ايكيوز يكرمي درت غروشدن عبارت اولديني اكلالشمسنه و دفتر خاقاني نظارتندن كالان جوابده محل مذكورك مدعينك عهدۀ تصرفنده بولنديني اشعار قلمسند مبنی بيان ايديلان افدانك رديله بر موجب تقرير مذكور آخورك قيمتي اولديني تحقق ايدن مذكور درت بيك ايكي يوز يكرمي درت غروشدن دائره مذكوره دن مع فائض تحصيله دائر صادر اولان اعلامك تميزاً وظيفه نقطه سندن نقض ايدلمسي و مؤخرأ اعطا قلنان تصحيح قرار عرفانك خصوص مذكورك اشخاص ايله حكومت بيننده تكمون ايتمسيه قانون مذكور موجبجه رؤتي محكمه نظاميه عائد اولديني حاله دائره جه مجلس اداره به حواله سنده قرار و يرلمسند اصابت قانونيه اولماديقي بيانيله بالقبول هرنه قدر ضرر واقعت محامجه انيهك ارتفاع ايله انشا آتده قوللاييلان اموالك جنس و ابعادي اعتباريله اجرا قلنان كشف و تحقيقات اوزرينه درت بيك ايكيوز يكرمي درت غروشدن عبارت اولديني تحقق ايتمكه اولوجهله مبالغ مذكورك تحصيله حكم و اعلام اولمش ايسده بويابده تضميني لازم كالان مبالغ مجلهك طقوز يوز بش و طقوز يوز اون سكرنجي مادهلرنده كوستلديكي اوزره منازع فيك قائماً قيمتي اولمسي لازم كله جكندن و مبنياً قيمتي ايله بعدالهدم قيمتي ارباب وقوفه تعيين و تقدير ايتديريلهرك بو ايكي قيمت بيننده كي فرق انيه مذكوره ك قائماً قيمتي اوله جغندن محكمه مذكوره به بونك تضمينيله حكم اولمق اقتضا ايدرايكن بوندن ذهول ايله بروجه محرر حكم و يرلمسنك مغايرت قانونيه سندن طولاني نقض و اعاده قلمسي اوزرينه محكمه به نقض قرارينه بالاتباع بتكرار جريان ايدن محاكمه و تدقيقات نتيجه سنده هدم اولنان بنانك زمان هدمده كي مبنياً قيمتي قرق بش ليرا اولديني و بعدالهدم انقاض مدعي عليه دائره مذكوره طرفندن بيع اولنديني اولبابده اقامه و استماع اولنوب لدی - التزكيه عدل و مقبول الشهاده اولدقلى آكلاشيلان شهودك شهادتيله تبين و تحقق ايتسنه وشو تقديرله هدم اولنان بنانك ارتق مقلوعاً قيمتي موجود اولماسنه نظراً مبنياً قيمتي ايله مقلوعاً قيمتي بيننده كي فرق مذكور فرق بش ايرادن و بناءً عليه مذكور بنانك قائماً قيمتي دخی مبالغ مزبور دن عبارت ايدوكي ثابت اولديغندن مذكور قرق بش ايرانك مدعي عليه دائره مذكوره دن بالتحصيل مدعي كامل افندي به اعطاسنه و تاريخ استدعان اعتباراً فائض نظامي يوريلمسنه و انشاي محاكمه مدعي كامل افندي طرفندن هدم اولنان آخورك بفعجه سنده كي اون درت عدد اشجار مثمرهك دخی هدم اولنديغندن بحثله قيمتلى اولان يكرمي سكر ليرانك ده تحصيلي طلب و دعوي اولمش ايسده بوجهت اصولاً ثابت اوله مديعندن اشبو ادعاسنك ردينه

حکمدن و مستدعی تمیزك اشبو حکم علمنده لایحه سنده محرر باشلوجه اعتراضی مذکور ابنیه نك دائره مذکوره طرفدن یقیدلغنگ مدعی به اثبات ایتدیرلماستی و مقدما حکم اولنان درت بیک ایکوز یکریمی درت غروشی مدعی قبول ایتش ایکن نقض واقع اوزرینه اخیراً مدعا بهدن فضله اوله رق قرق بش لیرایه حکم و قرار ویرلمی یولسز و مغایر قانون اولدیغندن بخله اعلامك منقضى و لایحه جوابیه مؤداسی دخی سرد اولنان اعتراضاتك غیر وارد اولدیغی بیانیله ردی و موافق اصول و قانون اولان اعلام مذکورك تصدیقی استدعاسندن و مطالعه نامه مندرجاتی دخی دعواى واقعه عند الکشف تحقق ایده جك ضرر و زیانی طلبدن عبارت و قابل استیناف اولم نه کوره مدت استیناف ظرفده اعطا قلنان استدعای مذکورك ردی لازم کله جکی بیانندن عبارتدر .

ایجابی مذاکره اولندقدنه هر نه قدر خصوصی مدعا بروجیه محرر بالرؤیه اعلامه ربط ایدلمش ایسه ده اولجه محکمه تمیزك اسباب منقضیه سنده دخی بیان اولدیغی اوزره ابنیه اوصافندن عبارت اولوب وصفك ایسه مستقلاً قیمتی بولمیه جنی جهته هدم ایدلمش اولان ابنیه نك قیمتی اکلاشلمق ایچون اولاه عرصه مع ابنیه تقویم ایدلمك ثانیاً بالکز عرصه نك قیمتی تقدیر قلندقدن یعنی ابنیه نك حال سابقی بیلان ارباب و قوف معرفتله بو ایکی قیمت بطریق الشهاده اثبات ایتدیرلدکدن صکره ایکی قیمت بیتنده کی فرق و تفاوت ابنیه نك قائماً قیمتی دیمک اوله جنی درکار و محکمه تمیزك نقضی دخی بوکامعطوف ایدوکی اشکارایکن صورت نقض بدایت محکمه سنجیه لایقیله اکلاشلمیه رق بروجیه محرر حکم ویرلمی یولسز اولدیغی کی مدعی بدایت محکمه سنده درت بیک ایکوز یکریمی درت غروشه راضی اولدیغی بیان ایتک صورتیه فضله سنی طلب ایتامش اولدیغی حالده محکمه جهه بوفاده نظر دفته انه رق ابنیه نك قائماً قیمتی مقدار مذکوردن زیاده اولدیغی تحقق ایتسه بیله حکمده سبق دعوی شرط اولسلیله او مقداردن فضله سنی حکم ایدلماک لازم کلور ایکن بوندن دخی ذهول اولمسی مغایر قانون اولدیغنه بناءً اصول محاکمه حقوقیه قانونك ایکوز اوتوزاکنجی و ایکوز قرق برنجی ماده لرى موجبجه اعلام مذکورك تقضیه قانون مذکورك ایکوز قرق دردنجی ماده سنی حکمده توفیقاً کیفیتك بالرؤیه اعلامه ربطی ضمننده محکمه مذکوره به اعاده سینه و تمیز علیه ببقدرت اولدیغی ثابت اولمغله حین اجراءه خرج تعرفه نك ماده معدله سنی حکمده توفیق معامله اولمق اوزره صورت و تبایغ و قیدیه خرج لرى بولنان قرق بش غروشك تأجلینه واشبو اعلامك تمغارسمی و ورته حجازیه دن استئاسنه و ماعدا زیرده مفرداتی مرقم اولوب اولجه مستدعی تمیز طرفدن ایفا اولان یوز یکریمی بش بحق غروشه بوکره تمیز علیه طرفندن اعطا قلنان سکسان یدی غروش که جمعاً ایکوز اون ایکی بحق غروش مصارف تمیزیه نك ایلروده حقسز حقیقه جق ضرفه عائد اولمسه ۲۲ حزیران سنه ۳۲۶ تاریخنده متفقاً قرار ویرلدى .

محکمه تمیز جزا دائره سندن صادر اولان ۲۶ مایس سنه ۳۲۶ تاریخی و ۱۹۹۴ نومرولی اعلام صورتیدر :

« اسباب مشدده قانونیه دن اولان قاچیرمق فعلنك تمامیتی اکلاشلمق ایچون مزبورده نك اقامتشکاهی ایله موقع جرم بیتنده کی مسافه تدقیق ایدیلهرک تبین ایده جك حاله کوره قرار ویرلمك لازمه دن ایکن بو جهتدن ذهول ایدلمسی و تاریخ تولدك رومی و یاعربی اولدیغنك مجلس اداده معرفتیه اصولاً ایجاب ایدنلردن تحقیق و تعیین ایتدیریلهرک محکمه جهه اکا کوره سن حقیقینك بالحساب تعیین اولنماستی نقض حکمی مستلزمدر »

ارضروم ولایتی استیناف محکمه سنی جزا دائره سندن تنظیم و اعطا قلنان ۹ جمادی الاولی سنه ۳۲۸ و ۵ مایس سنه ۳۲۶ تاریخی و یوز بش نومرولی اعلام ایله اوراق متفرعه سنی باش مدعی عمومیلک مأموریت علیه سندن نقض طلبنی حاوی ۲۶ جمادی الاولی سنه ۳۲۸ و ۲۲ مایس سنه ۳۲۶ تاریخی و بیک اتی یوز قرق بش نومرولی تبلیغنامه ایله محکمه تمیز جزا دائره سینه اعطا اولمشدر .

اعلام مذکورك خلاصه مآلی اوچوز یکریمی بش سنه سنی مارتی اوخرنده بابوردك هاوونوحی قریه سنی اهالیسندن عبدالمجید اغانك قزی عایشه نام بکر بالغه نی جبراً قاچیروب بکرینی ازاله ایلدیکی ادعا قلنمسنندن دولانی جنایتله اتهام اولنان قریه مذکوره دن حسن بن محمدك اجرا قلنان محاکمه علیه سنی نتیجه سنده مهم مرقومك مزبورده نی قاچیروب بکرینی ازاله ایلدیکی استماع اولنان شهودك مع القسم و علی الدرجات واقع اولان شهادت لری و طیب راپوری مندرجاتیه ثابت اولدیغندن مجرمیتنه و حرکته توافقی ایدن قانون جزانك ایکوز التتجی ماده سنی علاوده سنك اوچنجی فقره سنی دلالتیه یوز طقسان طقوزنجی ماده سینه توفیقاً اون بش سنه مدته کورکه قونلسمه و ایکوزنجی ماده موجبجه بش لیرا ضمان بکرك مرقومدن بالتحصیل مزبورده اعطاسنه حکم اولدیغندن عبارتدر .

کافه اوراق دعوانك مطالعه سندن صکره تدقیقات تمیزیه ایفا اولندقدنه مذکور تبلیغنامه ده دعواى واقعه ده اسباب مشدده قانونیه دن اولان قاچیرمق فعلنك تأمینى اکلاشلمق ایچون مزبورده نك اقامت ایلدیکی خانه ایله موقع جرم بیتنده کی مسافه تدقیق ایدیلهرک تبین ایدجك حاله کوره قرار ویرلمك لازمه دن ایکن بو جهتدن ذهول ایدلیمک دائر سرد اولنان اعتراض وارد اولمغله برابر مهم مرقوم اولجه مدعی مقدار آغانك یاننده خدمتکار اولوب اخیراً چالیشمیه رق چیقدیغی عندالحاکمه سویلدیکی حالده حین وتعه ده مدعینك آیاقلی خدمتکاری اولوب اولمادیغنك تحقیقندن ذهول ایدلمسی و مغدوره نك تاریخ تولدی عربی ویا رومی اولدیغنك بیانه میه جکی نفوس مأمورلنی طرفندن بادرکنار بیلدیرلمسی اوزرینه تکرار بالسؤال نفوس قیدنجه تاریخ تولدك رومی اعتبار ایدلمکده اولدیغی یوننده مأموریت مذکوره نك جوابیه لکه اکثفا اوله رق مزبورده نك اون اوچ یاشی اکمال ایدوب ایتدیکی اکلاشلمق ایچون هانکی اوچوز اون ایکی سنه سنده هانکی ماه وکوننده تولد ایتدیکی مجلس اداره معرفتیه اصولاً ایجاب ایدنلردن تحقیق و تعیین ایتدیریلهرک محکمه جهه اکا کوره

مزبورہنك سن حقیقتہنك بالحساب تعیین اولنامہی مخالف قانون ونقض حکمی مستلزم اولدیغندن اصول محاکمات جزائیہ قانوننك اوچیوز اون دردنجی مادهسنه توفیقاً اعلام مذکورك نقضنه واحكام قانونیه دائرہسندہ ایفای معاملہ اولتمق اوزره اوراقلنك محلنہ اعادہسنه وایکی یوز غروش اعلام خرجنك ایلرودہ حقسنر حقیقه جق طرفدن تحصیلنه ۲۶ مایس سنه ۳۲۶ تاریخندہ قرار ویرادی .

محکمه تمیز جزا دائرہسندن صادر اولان ۵ حزیران سنه ۳۲۶ تاریخی و ۱۶۹۴ نومرولی اعلام صورتیدر :
« جبراً فیز قاجیرمق جرمك ابقاعی اثناسندہ قیزك وقوع بولان مخالفندن منبت حدتله ایفای ایدیلن فعل نثلك ثبوتی تقدیرندہ قاتل حقندہ قانون جزانك یوزیتش دردنجی مادهسنك فقرہ اخیرہسی موجبہ حکم اولتمق لازم کلیرکن ماده مذکورہنك فقرہ اولیسنه توفیق حکم ایدلیسی مستلزم نقضدر »

صاروخان سنجانی بدایت محکمهسی جزا دائرہسندن تنظیم واعطا قلنان ۲ ربیع الاول سنه ۳۲۸ و ۲۸ شباط سنه ۳۲۵ تاریخی ویدی یوز سکسان یدی نومرولی اعلامك تصدیق طلبیلہ بولابده کی اوراق باش مدعی عمومیک مأموریت عایہسندن ۱۹ جاذی الاولی سنه ۳۲۸ و ۱۵ مایس سنه ۳۲۶ تاریخی و بیك الی یوز یکریمی ایکی نومرولی تبلیغنامہ ایله محکمه تمیز جزا دائرہسنه اعطا اولمشدر .
اعلام مذکورك خلاصه مالی اوچیوز یکریمی ایکی سنهسی تموزی ظرفندہ منده خوره ناحیهسندن تیور ایاق اوغلی احمدك کریمہسی حلمیہی تعمداً قتل ایلدیکی ادعاقلنمسندن دولای جنایتله اتهام اولنان ناحیه مذکورہلی کور حسین اوغلی احمدك محکومیتنه دائر مقدمایر بلان اعلام عندالتمیز نقض ایله اعادہ قلمسی اوزرینہ اخیراً اجرا قلنان محاکمہ علنیہسی نتیجہسندہ متهم مرقومك مزبورہی نکاح ایله المتق مقصدیلہ کتورمك اوزره تضییق ایتدیکی صرودہ مزبورہنك کوستردیکی مخالفتہ بناءً بالتہور جرح و قتل ایلدیکی اولابادہ مع القسم استماع اولنان شہودك شہاداتی وضبط ورقہلری ومعاينہ راپوری ومقتولك حصر ادعاسی وبوکا منضم اولان زوجہسنك استتظافاً مضبوط افادہسی ایله ثابت اولدیغندن مجرمیتنه وحرکتہ توافق ایدن قانون جزانك یوزیتش دردنجی وجرمك زمان وقوعنہ نظراً اولابادہ کی قانون اخیرك بشنجی مادہلرینہ توفیقاً مستحق اولدینی اون بش سنه کورك جزاسنك نصفی اولان یدی یحقی سنه مدتله کورک قونلسنہ حکم اولدیغندن عبارتدر .
کافہ اوراق دعوی بعدالمطالعہ تدقیقات تمیزہ اجرا اولندقدہ تبلیغنامہدہ بیان اولدینی وجہلہ ۲ نیسان ۳۲۵ تاریخی جلسہدہ اعضادن نیقولہ افدینك امضاسنك ضبطنامہ زیرینہ وضع ایدلماسی وشہوددن زلیخا ووسیلہ ایله کاظمك اخباراتی اعلام سابقك منقوض قسمندہ مندرجہ بولنسیلہ نقض اوزرینہ حکمسز اولان اولکی تحلیفلریلہ بالا کتفا تکرار اصولی دائرہسندہ تحلیفلری اجرا ایدلمکسزین استشہاد اولملری واصلنہ مطابق تصدیق ایدیلان ضبطنامہ صورتندہ اصول محاکمات جزائیہ قانوننك اوچیوز التنجی مادہسی تعریقاتی دائرہسندہ ضبط کاتنك دہ امضاسی بولندیغنك کوسترلماسی مغایر قانون ونقض حکمی مستلزم اولدیغندن اسباب مذکورہی بناءً واصول محاکمات جزائیہ قانوننك اوچیوز اون دردنجی مادهسنه توفیقاً اعلام مذکورك

موجبہی نظراً وارد ومستلزم نقض اسباب قانونیهیہ مستند بولندیغندن اصول محاکمات جزائیہ قانوننك اوچیوز اون دردنجی مادهسنه توفیقاً اعلام مذکورك دخی نقضیلہ احکام قانونیه دائرہسندہ ایفای معاملہ ایدلمك اوزره اوراقلنك محلنہ اعادہسنه وایکی یوز غروش اعلام خرجنك ایلرودہ حقسنر حقیقه جق طرفدن تحصیلنه ۵ حزیران سنه ۳۲۶ تاریخندہ قرار ویرادی .

محکمه تمیز جزا دائرہسندن صادر اولان ۳۱ مایس ۳۲۶ تاریخی و ۱۹۷۶ نومرولی اعلام صورتیدر :

« اعلام سابقك منقوض قسمندہ کی شاعدرک استماعلرندہ اولکی تحلیفلریلہ اکتفا اولنایوب اصولی دائرہسندہ تکرار تحلیفلرینك اجراسی لازم اولدیغنه دائر »

مدللو سنجانی بدایت محکمهسی جزا دائرہسندن تنظیم واعطا قلنان ۷ جاذی الاولی سنه ۳۲۸ و ۳ مایس سنه ۳۲۶ تاریخی وایکی یوز یکریمی درت نومرولی اعلام ایله متفرعاتی باش مدعی عمومیک مأموریت عایہسندن نقض طلبی حاوی ۲۶ جاذی الاولی سنه ۳۲۸ و ۲۲ مایس سنه ۳۲۶ تاریخی و بیك الی یوز یتش بش نومرولی تبلیغنامہ ایله محکمه تمیز جزا دائرہسنه اعطا اولمشدر .

اعلام مذکورك خلاصه مالی اوچیوز یکریمی ایکی سنهسی کانون اولنك یکریمی التنجی کیجہسی پولہنت قریمہسی اھالیسندن جمیل بن شریفی قتل ایلدیکی ادعا قلنمسندن دولای جنایتله اتهام اولنان قریمہ مذکورہدن تیورجی رشید بن علینك محکومیتنه دائر مقدمایر بلان اعلام عندالتمیز نقض ایله اعادہ قلمسی اوزرینہ مرہ نامیہدہ اجرا قلنان محاکمہ علنیہسی نتیجہسندہ متهم مرقومك بالمنازعہ فعل قتل مذکورہ جرأتی اولابادہ مع القسم استماع اولنان شہودك شہاداتی وضبط ورقہلری ومعاينہ راپوری ومقتولك حصر ادعاسی وبوکا منضم اولان زوجہسنك استتظافاً مضبوط افادہسی ایله ثابت اولدیغندن مجرمیتنه وحرکتہ توافق ایدن قانون جزانك یوزیتش دردنجی وجرمك زمان وقوعنہ نظراً اولابادہ کی قانون اخیرك بشنجی مادہلرینہ توفیقاً مستحق اولدینی اون بش سنه کورك جزاسنك نصفی اولان یدی یحقی سنه مدتله کورک قونلسنہ حکم اولدیغندن عبارتدر .

کافہ اوراق دعوی بعدالمطالعہ تدقیقات تمیزہ اجرا اولندقدہ تبلیغنامہدہ بیان اولدینی وجہلہ ۲ نیسان ۳۲۵ تاریخی جلسہدہ اعضادن نیقولہ افدینك امضاسنك ضبطنامہ زیرینہ وضع ایدلماسی وشہوددن زلیخا ووسیلہ ایله کاظمك اخباراتی اعلام سابقك منقوض قسمندہ مندرجہ بولنسیلہ نقض اوزرینہ حکمسز اولان اولکی تحلیفلریلہ بالا کتفا تکرار اصولی دائرہسندہ تحلیفلری اجرا ایدلمکسزین استشہاد اولملری واصلنہ مطابق تصدیق ایدیلان ضبطنامہ صورتندہ اصول محاکمات جزائیہ قانوننك اوچیوز التنجی مادہسی تعریقاتی دائرہسندہ ضبط کاتنك دہ امضاسی بولندیغنك کوسترلماسی مغایر قانون ونقض حکمی مستلزم اولدیغندن اسباب مذکورہی بناءً واصول محاکمات جزائیہ قانوننك اوچیوز اون دردنجی مادهسنه توفیقاً اعلام مذکورك

نقضیه احکام قانونیه دائره سنده ایفای معامله اولمق اوزره اورا قنك محانه اعاده سنه وایکی یوز غروش اعلام خرجنك ایلروده حقسز حقیقه جق طرفدن تحصیله ۳۱ مایس سنه ۳۲۶ تاریخنده قرار ویرلدی .

محکمه تمیز جزا دائره سندن صادر اولان ۵ حزیران سنه ۳۲۶ تاریخلی ۱۷۹۵۵ نومرولی اعلام صورتیدر :

« هیئت محکمه دن برینك برقم محاکمه مدعی عمومی به وکالت ایترکدن صوکره دیگر قسم محاکمه ده هیئت حاکمه میاننده بولمسی و متهم طرفدن نهیه شهادت ایده جکلری بیان اولمیان مدافعه شهودینك جلب واستماعلرندن صرف نظر اولمسی نقض حکمی مستلزمدر »

ازمیر جنایت محکمه سندن تنظیم واعطا قلنان ۱۶ جاذی الاول سنه ۳۲۸ و ۱۲ مایس سنه ۳۲۶ تاریخلی ویکرمی اوچ نومرولی اعلامك تصدیق طلبیه بوباده کی اوراق باش مدعی عمومیلک مأموریت عایه سندن ۳۰ جاذی الاول سنه ۳۲۸ و ۲۶ مایس سنه ۳۲۶ تاریخلی ویک یدی یوز یکریمی بش نومرولی تبلیغنامه ایله محکمه تمیز جزا دائره سنه اعطا اولمشدر .

اعلام مذکورك خلاصه مالی اوچیوز یکریمی درت سنه سی شباطنك اون یدنجی کیجه سی برغمهك اشاغی قرقلر قریه سنده مقیم توتون قچاقچیسی دبره لی ابراهیمی قتل وبو قریه دن حسن وعرب محمد و سلیمان زوجیه سی حبیه و کورت نوری نی جرح ایله بونلردن حسن ایله عرب محمدك وفاته سییت ویردکلری ادا قلنم سندن دولایی جنایتله اتهام اولنان مهاجر سلیمان اوغلی حسن و کورت قدری وقره محمدك اجرا قلنان محاکمه لری نتیجه سنده بونلردن نوری مقتول ابراهیمه مسلحاً دیگر متهم حسینك خانه سنه بالدخول اولوسنه چیقان متهم حسینك والدیه سی حبیه یی نورینك قتل قصدیه جرح ایتمسی متعاقب مزبوردهك فریادینه شتاب ایدن متهم حسین دخی تفککی بالاخذ اولوسندن متهم نوری ومقتول ابراهیمه استعمال سلاحه ابراهیمی بالمقابله جرح و قتل ایدرك طرفین جانبندن تعاطی اولنان متعدد سلاح سسلری اوزرینه وقوعاته شتاب ایتمس اولان عرب محمد وحاجی حسنك ده بو اراق قتل اولندقلری متهملردن حسینك طرز افاده سی ومع القسم استماع اولنان شهودك علی الدرجات واقع اولان شهادتلی وطیب راپوری مندرجاتیه ثابت اولدیغندن نورینك قتل قصدیه جرح فعلنك وحسینك ده بالمقابله قتل فعلنك فاعلی اولمق اوزره مجرمیتلرینه وبونلردن حسینك حرکته توافق ایدن قانون جزانك یوز سکسان طقوزنجی ویوز طقسانجی ماده لرینه توفیقاً الی ای حبسنه وبش سنه ده ضبطیه نظارتی آلتده بولندیرلمسنه ونورینك یوز سکسانجی ماده سنه تطبیقاً بعدانتشهر اوچ سنه مدته کورکه قونلمسنه و دیگرینك برانته حکم اولدیغندن عبارتدر .

کافه اوراق دعوی بعدالمطالع حکم جنائیدن طولایی تدقیقات تمیزیه اجرا اولندقدده کرچه تبلیغنامه ده اعلام مذکورك موافق اصول وقانون اولدیغندن بشه تصدیق طاب اونیور ایسه ده اوراق میاننده موجود

استجواب ضبط ورقه سنده متهمك امضاسی موجود اولمادیغی و متهم امضایتمه مش ویا ایده مامش ایسه کیفیتك ضبط ورقه سنده کوسترلمسی حکم قانون ایجابندن ایکن بوندن ذهول اولندیغی وبرنجی وایکنجی قسم محاکمه لرده مدعی عمومی به وکالت ایدن اعضا ملازملرندن حسین افندینك اوچنجی قسم محاکمه ده هیئت حاکمه میاننده بولندیرلیدی و محل وقوعهك کشفی ایچون اون لیرا خر جراه تقدیریه اعضا دن دیمتری وکاتب احمد شیت افندیلرک اعزاملرینه قرار ویرلمس ایکن اوراق میاننده بولنان ۲۹ تشرین ثانی سنه ۳۲۵ تاریخلی راپورده کاتب مومی الیهك امضاسی بولمادیغی و محکمه جه جلب واستماعلرینه قرار ویریلان مدافعه شهودندن صدق وعثمان وحسن چاوش ویوسف ومصطفی ونیازی وحقی نام اشخاصدن صدق ونیازی ویوسف استماع اولنهرق دیگرلرینك ده نهیه شهادت ایده جکلرینی متهم نورینك بیان ایده مدیکی سببیه حق مدافعه یی محل اولهرق دیگرلرینك جلب واستماعندن صرف نظر اولندیغی ومجرمیتنه قرار ویریلان متهم حقنده بالحا که تحصل ایدن دلائل وامارات واخباراتك وانحاً سرد و بیانی اصولاً مقتضی ایکن استماع اولنان شهوددن کیملرک نه یولده شهادتده بولندقلرینك توضیح ایدلیوب علی الدرجات وقوع شهادتدن بحث ایدلمکله اکتفا اولندیغی کورلمش وبونلر ایسه نقض حکمی مستلزم نواتص خطیئاتدن بولنش اولدیغندن اصول محاکمات جزائی قانوننك اوچیوز اون دردنجی ماده سنه توفیقاً حکم مذکورك نقضیه احکام قانونیه دائره سنده ایفای معامله ایدلمك اوزره اورا قنك محله اعاده سنه وایکی یوز غروش اعلام خرجنك ایلروده حقسز حقیقه جق طرفدن تحصیله ۵ حزیران سنه ۳۲۶ تاریخنده قرار ویرلدی .

انجمن عدلیه مقرانی

انجمن عدلیه دن صادر اولان ۷ حزیران سنه ۳۲۶ تاریخلی و ۹۰۰ نومرولی قرار صورتیدر :

« واضح اولمایان برحکم واعلامدن دولایی وقوعبوله جق استیضاحه محکمه عانده سندن

ویریلان جوابك تبلیغ وتبلغه لزوم اولمادیغنه دائر »

بشکطاشده خصکی تارلا سنده مقیمه سنبل بنت یحی مهریه تقدیم اولنوب انجمن عدلیه به حواله بیوریلان وظهرنده اعلامات شرعیه اجرا دائره سی درکناریله درساعات استیفاف وبدایت محکمه لری مدعی عمومیلکلری وامور حقوقیه مدیریتك مطالعه نامه لرینی حاوی بولنان عرفحال اوراق متفرعه سیله معاً مطالعه وتدقیق اولندی .

عرفحاللرک خلاصه مفادی بشکطاشده اورته باغچه ده پدرلرندن منتقل بستانك برادری طرف افندی

ایله مشترکاً کیفیت استعمالندن متولد دعواندن مذکور بستانک بینلرنده مناصفه تقسیمی و عارف افندی حصه سینه اصابت ایدن قویولرک هر ایکسی طرفندن مشترکاً استعمالی صورتیه محکمه تفتیشده عقد صالح ایدلمش واولیابده صادر اولان اعلامک معامله تبایغه و اجرائیه سی ایضا قلندقدن صکره مذکور قویولردن انتفاعنه مومی الیه عارف افندی طرفندن ممانعت اولندیغندن بحشاه دائره اجرایه اولنان مراجعت اوزرینه قویولرک صورت استعمالنه دائر سبق ایدن استعماله جواباً محکمه مشارالیهان ظهر اعلامه یازیلان هامش دائره مذکورجه باشلی باشه بر اعلام تاقی اولنهرق یکیدن تبلیغات ایفاسنه لزوم کوسترلمکده ایسهده هامش مذکور متن اعلامده مندرج فقره نی ایضاحدن باشقه بر حکمی محتوی اولمادیغندن تبلیغه حاجت اولمقیزین مقتضاسنک ایفا ایتدیرلمسی استدعاسنی واعلامات شرعیه اجرا مأموریتی درکناری مالی محکمه تفتیشدن ویریلوب عندالتمیز تصدیق اولنان ۲۹ ربیع الاول سنه ۳۲۵ تاریخلی اعلام شرعی موجبجه طرفینه عائد حصه لعل علامت فاصله وضعیه تسامیم و عارف افندی به عائد حصه ده کی ایکی قویونک مشترکاً استعمالی لزومی عارف افندی به تبایغ اولنهرق حکم اعلام اجرا ایدلمش و اخیراً مذکور قویولرک صورت استعمالندن دولای بینلرنده ظهور ایدن منازعه وسنبیل خانم طرفندن باستدعا وقوعولان مراجعت اوزرینه کیفیت محکمه مشارالیهان استفسار اولنهرق تشکیل طرفین ایله جریان ایدن محاکمه نتیجه سنبیل خانم حصه سینه تقریق ایدیان بوستانی سقی ایتک اوزره کندی حیواناتی مومی الیه عارف افندی به تقریق اولنان حصه یه ادخال ایدرک مشترک قویودن صو آلمسینه مومی الیه عارف افندینک ممانعت ایتمه سی اقتضا ایلدیکی ظهر اعلامده محرر مقتضی اعلامنده کوسترلمش و بوده آیربجه اعلام شکلنده ویرلمش بر حکمی متضمن بولمسینه نظراً اجرا قانوننک یکرمی برنجی ماده سی احکامنه توفیقاً بر صورتی محکوم علیه تبلیغ ایتدیره رک حکمنک اجراسنی طلب ایتسی لازم کله جکی تفهیم قانمش اولدیغنی متضمن و استیناف و بدایت مدعی عمومیلکریله امور حقوقیه مدیرینک مطالعه نامه لری دخی بوجهتی مؤدی اولدقلری کورلدی .

اوراق اجرائیه جلب و تدقیق ایدلدکن صکره ایجابی تأمل اولندقدن اعلام اولک ظهرنده محرر و مقتضی اعلامی نامی ویریلن شرحک تشکیل طرفین ایدلدکن صکره یازلدیغنی اکلشلمش ایسه ده مندرجاتی اعلام اولده مبهم بر اقلمش اولان بر خصوصی تفسیر و توضیحدن عبارت اولوب آیربجه حکمی متضمن بولنماسینه و واضح اولیان بر حکم و اعلامدن دولای وقوع بوله جق استیضاحه محکمه عائده سندن ویریلن جوابک تبایغ و تبایغنه لزوم اولمادیغنی درکار بولمسینه مبنی مذکور ظهریه نک تبلیغنه حاجت اولمادیغنه بالاتفاق قرار ویرلدی .

قانون عیون

اصول استماع دعوی

محاکمه کله مهم مسئله دعوانک صورت استماع و تدقیق و توجه خصوصیت و دفعک انواعی و تناقضک اقسامی و اعلاماتک زیغ و خللدن و خطا و ذللدن خالی صورتده تنظیمی بولندیغندن جهات مذکورده حقنده بعض تفصیلات ویرمک فائده دن خالی دکدر .
بر دعوانک مبدئندن متها سینه قدر محاکمه نظر دقتنه آلمسی لازم کلان نقاط وجهاتک ایضاحنه ابتدار اولنه جقدر .

استدعا : دعوی محکمه یه استدعا ایله عرض ایدلمک لازم کله جکندن مستدعی عرضاننده یازمش اولدیغنی دعوانک غیری بر دعوانی یا خود فضله بر ادعای شفاهاً درمیان ایتسه استدعای مخصوص ایله طلب ایتدیکجه محکمه جه نظر اعتباره آلمانز .

طرفین حضور محکمه یه حقیقدقلرنده استدعانک قرائتدن صکره مدعی دعواسنی تصویر و نوع دعوا یه کوره اقتضا ایدن ایضاحاتی اعطا ایدمکدر .

دعاوینک انواعنه کوره مدعینک اعطا ایتک مجبوریتنده بولندیغنی ایضاحات حقنده آئیده تفصیلات ویریله جکدر .

وظیفه و خصوصیت : دعوی تصویر ایدلدیکنده محکمه ایکی جهته عطف نظر دقت ایتدیکجه مجبوردر .
۱- تصویر ایدیلان دعوانک نوع و ماهیتنه کوره محکمه دعوانی فصل ورؤیت ایتدیکه وظیفه دارمیدرد کلیدر .
بومسئله حقنده ایکی قاعده نظر اعتباره آلمق ایجاب ایدر .

قاعده اولی ، قوانین و نظامات موضوعه ایله قابل حل و فصل اولان دعاوینک فصل ورؤیتی محاکم نظامیه یه عائددر .

مجاهده ، قانون تجارتده ، قانون اراضیده و نظامات سائرده موجود اولان عقود و معاملاتده دائر دعوی کبی .
قوانین و نظامات ایله بر دعوانک قابل حل و فصل اولسی خصوصی نوع دعوی اعتباریه اولوب یوقسه فرد دعوا یه کوره دکدر .

شونی بر مثال ایله ایضاح ایدلم .

استفهام صیغه سیله بیع منعقد اولوب اولیه جغه دائر مجله ده وقوانین موضوعه ده برکونا صراحت موجود اولدیغندن بوقاعده عمومیه یه کوره بودعوانک فصل ورؤیتی محاکم نظامیه نک وظیفه سی خارجنده اولسی لازم کلز .

دعوانک نوعی بیعه متدائر بولنش و بیعک احکامی مجله ده بیان ایدلمش بولنسنه بناء محکمه نظامیه بو دعوانی فصل ورؤیت ایدر .

قاعده ثانیه ، قوانین ونظامات موضوعه ایله قابل حکم اولیان دعوانک فصل ورؤیتی محاکم نظامیه نک وظیفه سی خارجنده در . بومثللو بردعوی محکمه نظامیه یه عرض ایدلکده محکمه بودعوانی رؤیت ایتیموب مرجع مخصوصنه مراجعته لزوم کوسترمکه مجبوردر . وقف ، میراث و وصیت دعوالری کبی .

مثلا ارث نه دیمکدر . وکیملر وارثدر . وکیملر دکلدر حصه ارثیه نه مقداردر بونله متدائر قوانین ونظامات موجود اولدیغندن بوکبی دعاوی بی فصل ورؤیتدن محاکم نظامیه ذاتاً عاجزدر .

مذوف وظیفه اولر مه و بریه مه حکمک قابلیت امرایه سی

فقط بوکبی محاکم نظامیه نک وظیفه دار بولندی بی بردعوی محکمه مذکوریه عرض ایدیلرک فصل ورؤیت اولنوب امر مقضی اولسه تنفیذی لازم کلور می ؟

مثلا بر وارث دیگر وارثدن فلان مملوک عقارده کندیسنک شوقدر حصه ارثیه سی بولندی بی حالده مدعی علیه حصه سی اعطادن امتناع ایتکده اولدی بی یولنده محکمه نظامیه ده بردعوی اقامه ایدیلوبده نتیجه محاکمه دوارث اولدیغنی ادا ایدن شخصک وارث بولندیغنه علم جلیل فرائضه مخالف اوله رق حکم اعطا ایدیلوبده بو حکم اکتساب قطعی ایتسه مدعی نک حصه ارثیه سی آلفه حقی قالمازی ؟

واقعا اصول محاکمه نک اوچنجی ماده سنده بر محکمه دن ویریلان اعلام اول محکمه دن یا خود آنک مافوقنده بولنان دیگر بر محکمه دن اصول وقانون دائره سنده فسخ یا نقض اولندیغنه مرعی ومعتبر عد اولنور دینلیور . برا علامک صورت فسخ ونقضی حقنده آتیده بعض تفصیلات ویریله جکدر .

لکن ماده مذکوره موجبنه حکم واعلامک مرعی ومعتبر اولسی اودعوانی فصل ورؤیتدن حاکم ممنوع وحا کیتی بالکلیه مسلوب اولمامسیله مقید ومشروطدر .

بر دعوی حقوقیه نک تجارت محکمه سنده ویا بردعوی تجاریه نک حقوق عادیه محکمه سنده فصل ورؤیت ایدیلرک اولاباده کی حکم واعلام اکتساب قطعی ایدنجه اعلام مذکور مرعی ومعتبر ولازم الاجرا اولورده اعلاماتی اجرایه مأمور اولان رئیس محکمه بو اعلام خلاف وظیفه ویرلمش اولدیغندن بالبحث تنفیذ حکمندن امتناع ایده مز .

نته کیم بر قضا بدایت محکمه سنه عائد بردعوی مدعی علیه ک اعتراضی نظر اعتباره آلتیه رق دیگر قضا بدایت محکمه سنده رؤیت واعلامه ربط ایدیلرک امر مقضی اولسه بوده لازم التنفیذ اولوب یوقسه اصول محاکمه نک ۱۸ ماده سی موجبنه هر دعوی مدعی علیه ک اقامتکاهی محکمه سنده رؤیت ایدلسی لازم کلورکن بشقه محکمه ده فصل ورؤیت ایدلدیکی بیانیله بو اعلامک اجرادن اسقاطی جائز اوله ماز .

اما اعلامی ویرن محکمه اومثللو دعوانی فصل ورؤیتدن ممنوع وحا کیتی بالکلیه منسلب اولنجه اعطا ایتش اولدی بی اعلام کأن لم یکندر . قابل اجرا دکلدر .

مثلا بر بدایت محکمه سی طلاق یا نکاحه دائر بر مرافعه بی اجرا وحکم واعلامی اعطا ایسه حکم مذکور اکتساب قطعی ایتسه بیله اجرا اولنه ماز .

وظیفه مقننه اتخاذ اولر مه قرارلرک و بریه سی

وظیفه مسئله سنده محکمه ایکی وجهله قرار اتخاذ ایده بیلور .

دوره اول ، محکمه رأسا قرار اعطا ایده بیلور . یعنی احد طرفین وظیفه حقنده برکونا دعوی در میان ایتسه دخی محکمه سلبا قرار ویره بیلور . دیه بیلورکه بو دعوانک رؤیتنه محکمه وظیفه دار دکلدر .

حق محکمه یه عرض ایدیلان دعوانک ماهیتنه کوره فصل دعوا یه محکمه نک وظیفه دار اولدیغنی طرفین بالتصدیق اتفاق ایله محکمه نک رؤیت دعوی ایتسنه رضا کوسترسه لر دخی محکمه بودعوانی نه رد ایتمکه مجبوردر زیر طرفین شرائط مخصوصه سنه توفیقاً دعوالرینی رؤیت ایتدرمک ایچون حکم تعیین ایده بیلور ایسه ده بر حاکمک حق قضایی اولیان بردعوا ده او حاکمه حق قضایخش ایده مز لر .

لکن محکمه نک رأسا وایجابا وظیفه قرارینی اتخاذ ایتسنه لزوم یوقدر . مکرکه هیئت حاکمه دن بعضیلری رویت دعوا یه محکمه نک وظیفه دار اولدیغنی رأینده بولنه . او حالده هیئت حاکمه وظیفه مسئله سی رأسا مذاکره ایدرک رویت دعوا یه محکمه نک وظیفه دار اولدیغنه قرار ویره بیلور .

وظیفه مقننه اتخاذ اولر مه مقررات اناندره مرعی عمومینک استماعی

محکمه رأسا وظیفه قرارینی اتخاذ ایده جکی ائنا ده کرک سلبا وکرک ایجابا اتخاذ قرار ایسه مدعی عمومی بی استماع ایلسی لازم کلز . زیرا تشکیل محاکم قانونک ۶۵ و ۷۱ ماده لری موجبنه مدعی عمومینک وظیفه مسائلنده حق مداخله لری دعوی وقوعنه وابسته در . حالبوکه تصویر اولنان مسئله ده هیچ بردعوی در میان اولنمامشدر .

دوره ثانی ، احد طرفیندر در میان ایدیلان دعوی واعتراضه منی قرار اتخاذ ایتسی لازم کلور .

ایمدی عدم وظیفه دعوی سی اول مدعی در میان ایده بیلور .

دعوای محکمه به عرض ایدن مدعی اولدینی حالدہ ضررہ دن عدم وظیفہ ادعائی در میان ایتیمی مسموع دکلدر دینیلہ من .
ثانیاً مدعی علیه در میان ایدہ بیلور .

ہر ایک صورتہ انہای محاکمہ مدعی عمومی بولندیر مق وطرفین مواجہہ سندہ وظیفہ حقندہ مطالعہ سی استماع اولمق لازم کلور .

۲ - خصومت مسئلہ سیدر .

محکمہ نك مبادی دعوادہ نظر تأملہ آلمسی اقتضا ایدن مسائلدن بریدہ خصومت مسئلہ سیدر .

اقامہ ایدیلاں دعوادہ مدعی علیه مدعی به خصم اولوب اولہ میہ جفی طرفیندن بری بو بابدہ برکونا ادعا در میان ایتامش اولسہ بیلہ بو خصوص محکمہ جہ اوکجہ تأمل وتدقیق ایدمک لازم کلور .

ایکی کیمسہ آرہ سندہ حد ذاتندہ منازعہ موجود دکل ایکن اجرای محاکمہ بہ مبادرت عبث ایلہ اشتغال اولور .

مابعدی وار محکمہ تمیز حقوق دائرہ سی رئیس

علی صیدر

اسباب نقض

— اون بشنجی نسخہ دن مابعد —

۲۷۲ نجی مادہ احکامنجه اول امرده حقوق عمومیہ نامنہ ادعا وبعده متهم طرفندن اقامہ اولنان مدافعہ شادلرینک صرہ سیلہ اصول منتظمہ دائرہ سندہ استماعلری لازمہ دن ایسہدہ برعکس اولہ رق اولام متهمک وثائياً مدعی عمومینک ارانہ ایتدکلری مدافعہ وادعا شادلرلی استماع اولنسہ انحق بومقوله نواقص ایلہ سائر معاملات محاکمہ جہ دخی ذہولات وقوعی نقض حکمہ سبب اولور .

شویله کہ قانوناً تنظیمی لازم کلان محاکمہ ضبطنامہ سندہ ۲۷۱ نجی و ۲۷۲ نجی مادہ لردہ شادلرک استماع شهادتلی حقندہ بیان اولنان ترتیبات وتعریفات ومواد متعاقبہ سندہ قانوناً معین اولان معاملاتک صور اجراییہ سی دخی ذکر ودرج ایدلامش اولدیغنه بناء حکم لاحق محکمہ تمیزدن نقض ایدلمشدر .

محکمہ به جلب اولنان شادلرک بعض اسبابدن ناشی کلہ ماملری جهتہ عندالحاکمہ افادات مضبوطہ لرینک قرائیلہ اکتفا اولنمش ایسہدہ متهمک مدافعہ وکیلی طرفندن جلبلری لازم کلان شهودک اجرت قانونیہ ومصارف جلیبہ سنک ۲۷۳ نجی مادہ حکمنہ توفیقاً ایجاب ایدن طرفندن التقی اوزرہ بونلرک جلبلری طلب اولندیغی حالدہ کتورلمدیکی تدقیقات تمیزیہ دن اکلاشلدیغندن حکم لاحقک نقضہ قرار ویرلمشدر .

۲۷۳ نجی مادہ ده متهملرک درجات قانونیہ سی تعیین ایدیلاں اقرباسی طرفلرندن لہندہ وقوعبولان شهادت قانوناً مسموع اولہ ماز چونکہ اقرباسی اثر صحابت وحایتلہ التزام طرفیکیری ایلہ خلاف حقیقت بیان حال ووقوعاندہ بولنہ بیلورلر . شهادتدہ ایسہ اساساً دفع مضرت وجلب منفعت داعیہ سی اولمامق مشروطدر . متهمک تعلقات قانونیہ سی طرفندن اہیندہ واقع اولان شهادتلی دخی استماع اولنمامق لازم کلور . زیرا بو حال دخی متهمک عالمی سیندہ بالاخرہ اغراض ونفسانیت سائقہ سیلہ انتظام داخلی یی اخلال ایدہ جکی طبیعیدر . بناءً علیہ مظنون ومتهملرک درجات قانونیہ دائرہ سندہ استماعلری ممنوع اولان اقربالرندن لہ وعلیلرینہ شاهد قبول واستماع اولنمسی موجب نقضدر .

برشادلرک متهمہ نہ درجہدہ قرابتی اولدیغی تعیین وتدقیق اولنمقسزین عدم استماعنہ قرار اعطاسی نقضی موجبدر . سنلری صبی غیرمیز ومراہق نابالغ درجہ سندہ بولنالرک معلومات قیلندن استماعلری جائز ایسہدہ اجرای تحلیفلری اسباب سائرہ منضمہ ایلہ سبب نقض اولہ بیلور .

ضابطہ عدلیہ مأمورلری حتی تحقیقاتی اجرا ایتمش اولدقلری ایشلردہ بیلہ شاهد مقامندہ استماع اولنورلر . مدعی عمومی ویا متهم طرفلرندن اعتراض وقوعندہ مجازات ترہیبہ ایلہ محکوم ایدلمش اولانلرک شهادتی مقبول دکلسہدہ محکومیت واقعہ نك کسب قطعیت ایدوب ایتدیکی تدقیق اولنمقسزین ردشادہ قرار ویرلمسیدہ نقض حکمی ایجاب ایدر .

مدعی شخصیلرک اقرباسی طرفندن لہندہ وقوعبولہ جق شهادتک استماعیلہ بونلرک افادات ومعلومات ومشہوداتنہ مراجعت اولنمق طبیعت مصلحت ایجاب والجاسنہ مستندر .

متهمک اقارب صحریہ سندن معدود اولان مخبرلرک شهادت واقعہ لری مسموع اولہ میہ جفی ۲۷۳ نجی مادہ اقتضاسندن بولنش ایکن بونلرک شاهد صقیلہ استماعلری جائز اولہ میہ جغندن بو جہندن دولای اعلامک تمیزاً نقضہ قرار ویرلمشدر .

مادہ مشروح بہا احکامنجه قانوناً مکافات تقدیہ نائل اولان مخبرلر ، طوز ودخان مثللو مواد رسومیہ وسائرہ دائر نظامنامہ مخصوصلرندہ مندرج بولنان اخباریہ یی اخذ ایلہ مظهر مکافات اولانلردن عبارتدرکہ بونلرک اولبابدہ کی شهادتلی علاقہ دارلر واجیر خاص اولانلر کی مسموع اولہ من .

۲۷۳ نجی مادہ اقتضاسنجه مظنون ومتهملرک درجات قانونیہ دائرہ سندہ استماعلری ممنوع اولان اقربالرندن لہ وعلیلرینہ شاهد قبول واستماع اولنمسی موجب نقضدر .

۲۷۴ مادہ ایجابنجه مکافات تقدیہ نائل اولان مخبرلرندن رسومات مأمورلرینک ورژی قولجیلرینک شاهد صقیلہ استماع ایدلملری نقضی مستلزمدر .

۲۷۵ نجی مادہ حکمنجه شهودک دائرہ استطاقده وحين محاکمہدہ افاداتی بینندہ حاصل اولان مبیاتک

بالمواجهه تدقيق وتوفيق وتلفيق اسبابك استكمالاً له رفعى لازمه دن ايكن محكمه جه بولازمه قانونيه به رعايت اولئيه رفق بوجهتك نقصان براغلمسى .

تظاهر حقيقت ايچون استماع قلنان ادملر صورت جريان وقعته بشقه درلو حكاية ايتلرينه نظراً بونلرك حقوق عموميه شهوديله بالمواجهه تدقيقاته كيريشللماسى . زمان وقعته متهملر ايله رفقاسنك محل اخرده بولندقلرندن بختله قريه هيئت اختياريه سندن تحقيق كيفيت اولئسى وكيل طرفندن طلب اولئش ايكن بركونه اسباب قانونيه درميان ايدلمكسزين طلب واقعك ردينه قرار وئلمسى .

ماده مشروحه حكمنجه متهمك مدافعه شاهدلرينك قبل الاستجواب اسباب موجه بيان اولئمسزين وردى جهته كيدلمسى .

مدافعه وكيل طرفندن درميان ايدلان اعتراضاتك يكان يكان بالتدقيق رد ويا قبولى حقتده محكمه جه اتخاذ اولنه جق قرارك موضح واسباب قانونيه مستند اولئسى ايجاب ايدر ايكن اعتراضات واقع ببحق تدقيق اولئيه رفق شاهدلرك افاده لرى سطحيجه ودلائل سائرتهك مختصرجه كچشديرلمسى اسباب نقضيه دندر .

تدقيقات فنيه

ماده مبسوطه ايله مواد متعاقبه سى احكامندن استنباط اولنديغنه كوره متهملرك بولنديغنى نقطه لره مقتك وشاهدلر طرفندن مختلف محللرده كورلدكي بيان اولنان قان لكه لرليك كشفيله مقتولك حال حاضرى حقتده استيضاحات اجرا قلئلمسى .

سلاحك نوع وجنسى استماع اولنان شاهدلردن صورلق ومقتولى معاينه ايدن طيبدن دخی جريحهك دروننده قورشون بولئوب بولنديغنى وهانكى نوع سلاحك مرميسى ايدوكى استيضاح اولئق واجبات قانونيه دن ايكن بوجهتلردن ذهول اولئسى .

تحقيقاتك صورت سالدده حسن جريانى نقطه نظرندن اك برنجى درجه ده لازم ونوع جرمه مؤثر اولان كشف ومعاينهك اجراسى جهته كيدلماش اولئسى .

جرم مدعاك تعيين نوع وماهيتته مدار اوله جق درجه ده قطعى المفاد طيب راپورلرينك القامسى وتدقيقات فنيهك اجرا ايتديرلماسى . وقعتهك صورت جريانى حقتده قانوناً لازم كلان كشف وضبط ورقلرليك مأمورين عائدسى طرفندن تنظيم وراپور مندرجاتك تصديق اولئلماسى .

عندالحاجه راپورى طبيك محكمه به جلب اولنه رفق متهمك سبب وفاتى حقتده ايضاحات لازمه آلئقدن ذهول ايدلمسى .

ايجابى حالنده فنا لازم كلان تحليلات طبيهك اجراسى امرنده واقع اولان طلب قانونيك ايفاسنه متعلق معاملهك اجرا ايتديرلماسى .

احكام لاحقهك متقوضيتى استلزام ايدن اسباب قانونيه دن معدودر .

٢٨٠ نجى ماده قانونيهك جمله احكامندن استدلال اولنه بيلورك قابزنلك ماده لرنده در دست ايدلان الات وادوات واجزاي كيميويه وتركيبات قلب اچيه اعماله صالح اولوب اولمديغك ارباب فن واهل خبره طرفندن بالمعاينه تعييني والده ايدلان قلب پاره لك ظهور ايدن قابلر ايله اعمال واصاغه ايدلوب ايديله ميه جكسك سنه فن مأمورلرى طرفلردن تدقيقى لازم كلور ايكن بولردن ذهول ايدلش اولئسى نقص حكى مستلزم اولور .

محكمه طرفندن مقتك كشف ومعاينه سنه لزوم كوريلوبده بوكا قرار وئرلدكي تقديرده حقوق مدافعه يي تأمين ايچون اثنای كشفده متهم وكيلك حاضر بولنديرلماسى اشبو ٢٨٠ نجى مادهك جريان قانونيسنه مخالف اوله جفتدن بصورت دخی نقضى ايجاب ايدر .

فما تنوير مدعايه مدار ثبوت اوله بيله جك اشيائى متنوعه والات جرميه دن محتفى ومكتوم اولانلرك محللرينى تعيين وارائه ايله ظاهره چيقارمق اوزره بوكى احوال وقوعنده متهمك دخی اثنای كشف ومعاينه ده حضورى لازم كلور . بواجباب قانونيه عدم رعايت موجب نقض اوله بيلور . بوماده ايجابجه در دست اولنان كافه اشيائى جرميهك متهم وشهوده عندالحا كه اراءه ايله استفسار حقيقت ماده اولئلماسى سبب نقضى تشكيل ايلر .

٢٧٣ نجى ماده قانونيه احكامندن استنباط واستدلال اولنديغنه كوره محكمه استيناف رئيسى ايله مدعى عمومى بيننده قاين پدرلك ودامادلق كى ايكننجى درجه ده حاصل اوله رفق قرابت صهرينه دن طولايى بونلرك بر محكمه ده اجتماعلرى ممنوعيدر ؟ بو مثللا وحوالده ممنوعيت قانونيه به دائر ذيل قانون تجارتك يدنجى ماده سى احكامك مدعى عمومى ومعاونلرى حقتده ده تطبيق واجراسى لازم كلورمى ؟

بو مسئلهك محكمه تميز هيئت عموميه سنجه تذكر وتفسيرى حقتده انتخاب مأمورين انجمنك تسهيله باش مدعى عمومى لكدن النان مطالعه نامه اوزرينه محكمه تميز هيئت عموميه سنجه لى التدقيق تشكيل محاكم قانونك ٤٩ نجى ماده سيله ٥٥ نجى ماده سنه منيل ماده موقتة احكامك محكمه تميزه بخش ايلديكى صلاحيت انضباطيه وانتظاميه به نظراً كيفيتك حل وتدقيق محكمه تميزك دائره صلاحيتى داخلنده ايدوكى اكثريله قرار كير اولدقدن صكره اوراق موجوده مطالعه وايجابى مذاكره ايله قرار واقع اسبابنه آتیه به مبتى ايدى .


مطالعه نامه ده ذكر اولنان ماده قانونيه احكامى محكمه تجارتك هيئت حاكمه سنه عائد ومنحصر اولئسنه واصول محاكمات جزائيه وحقوقيه قانونامه لرندد ايسه بوكادائر صراحت بولئلماسنه واصول محاكمه حقوقيهك ماده اخيره مخصوصه سى مدلولاتنه كوره تجارت قانوننده مذكور ومحاكم تجارت هيئت حاكمه سنه مخصوص اولان قاعدهك اصول محاكمات قانوننده صراحت مخصوصه اولئلماسندن ناشى مدعى عمومى ومعاونلرى حقتده قابل تطبيق اوله ميه جنى بيان قلئمش ايسه ده مدعى عمومى لك قانوناً حائر اولدقلى صفت اعتباريله

طرفین متخاصمیندن وکړک حکام صنفندن عد اولسونلر بیلرندہ قانونک مواد مختلفہ سندہ کوستریلان درجہ قرابت و صہریتی بولنان حکامک داخل اولدقلری محکمہ زندندہ ایفای وظیفہ ایدہ ماملری بدیدیر. چونکہ حق خصوصتلی اولق ملابسہ سیلہ حقارندہ اصول محاکمہ حقوقیہ قانونک ۶۲ نجی مادہ سنک ایکنجی فقرہ سی احکامی دائرہ سندہ معاملہ ایدہ بیلہ جکی کبی حکامدن بریلہ مدعی عمومی بینندہ موجود اولان قرابت و صہریتک حکماً باعث اولہ بیلہ جکی تغیرات مظنون علیہ ویاتہم علیہ ناقابل اصلاح نتیجہ لر تولید ایلہ جکنہ یعنی مدعی عمومیلرک جملہ وظائفندن بری دہ احکام قانونیہ نک حسن جریانہ عطف نظر دقت مادہ سی اولوب قرابتی بولنان رئیس طرفندن خلاف قانون وقوعبولہ جق احوال و معاملات و مقرراتی حسب القرابتہ نظر بی قیدی ایلہ کورہ بیلملری اقوای ملحوظاتدن بولمسنہ و مدعی عمومیلرک حکامدن معدود اولملری بحثہ کلنجہ محکمہ لرک بیطرفلغتی اخلال ایدن ہر نوع اسبابک رفعی توزیع عدالتک ایجابات ضروریہ و قطعہ سندن اولوب بو نقطہ نظرندن دخی بیلرندہ قرابت و صہریت اولان حکامک بر ہیئندہ اجتماع ایدہ میہ جکلری قضیہ سی موجب اشتباہ اولہ میہ جغہ و بو اساسک یالکز ذیل قانون تجارتندہ ذکر و بیان ایدلمش اولسی وجودی قانون شناسان زندندہ درکار اولان قاعدہ نک عمومیت و قطعیتی و بناء علیہ طرز دیگر ایلہ مدعی عمومیلرہ عدم شمولی حقندہ ترددی داعی اولہ میہ جغہ منی موضوع بحث اولان مسئلہ دہ بیلرندہ صہریت حاصل اولمش اولان رئیس ایلہ مدعی عمومینک بر محکمہ دہ اجتماع ایدہ میہ جکلرینہ اکثریتلہ قرار ویرلشیدی.

۲۷۶ نجی مادہ اقتضاسنجہ کړک مدعی عمومی وکړک متہم طرفلرندن اقامہ اولنان ادعا و مدافعہ و اظهار حق شاہد لرینک یکدیگری استجواب ایلہ اساس جرم حقندہ مکالمہ و مباحثہ و مناقشہ ایتملری حقوق عمومیہ و مدافعات قانونیہ نقطہ نظر نجہ جائز اولہ میہ جغندن مقاصد مادیہ و حقایق و دقایق احوال جرمیہ نک ظاہرہ اخراجنہ خادم اولان اسباب حکمیہ و وسائط تأمینہ بی منع ایدہ جک استجوابات و مکالمات بمنوعیت قانونیہ تختندہ در رئیس محکمہ نک لدی الحاجہ شاہد لرک قبل الشہادہ جرم واقعہ و متہمک احوالہ دائرہ بری برلریہ بحث ایتملری مانع اولہ جق تدابیر احتیاطیہ بی اتخاذ و اجرایہ صلاحیتدار اولدینی ۲۶۷ نجی مادہ نک جملہ احکامندن در ۲۷۷ نجی مادہ موجبنجہ شاہد لرک منفرداً و یا خود بلمولواجہہ مجتمماً بتکرار استماع واستجوابلری حقندہ متہم طرفندن وقوعبولہ جق طالب نظر تدقیقہ النہرق مسکوت عنہ براقیلورسہ نقض حکمی مستلزم اولور. فقط محکمہ بو طلبک نتیجہ سی محاکمات و معاملاتاتی اوزاتمقندن ماعداد بر فائدہ قانونیہ بی منتخ اولہ جغتی کوررسہ اسباب موجبہ قانونیہ سر دیلہ طلب واقعک ردینہ قرار ویرہ بیلور.

« مابعدی وار » محکمہ تمیز اعضاسندن

طلعت



استنطاقک صورت اجراسنہ دائرہ بعض قواعد اساسیہ

— اون بشنجی نسخہ دن مابعد —

۷۸ — بعضاً کورلدیکی وجہلہ مثلاً برسرقت جرمی تحقیقاتک بعض صفحاتندہ بولندقلری و بعضاً دخی اصلاً حاضر اولدقلری حالہ پولیس قومیسر و مأمورلری طرفندن تنظیم ایدیلان اساسی ضبط ورققلری زیرلرندہ کافہ سنک امضالری موضوع اولدینی کوریلہ رک استزادہ معلومات ضمنتدہ دوائر و عاکم متعلقہ سندن جین جلب واستشہادلرندہ تحقیقاتک اوقسمندہ کندولری بولنادقلرینی و یادیکر پولیس مأمورلرینک ایضاحاتہ مستنداً و تکلیف واقعہ بناءً تنظیم ایدیلان ضبط ورقہ سنہ وضع امضا ایتدکاری بی بیان و مندرجاتی تکذیبہ بوحال و بوکامائل پولیس دائرہ سنجہ اجرا قلمش اولان دیگر تحقیقات اوراقنک دہ درجہ وثوق و اہمیتی اسقاطہ سببیت ویرمکدہ و برحق احوالہ ضبط ورققلری زیرندہ امضالری موضوع بولنان پولیس قومیسر و مأمورلرینک دوائر استنطاقیہ و یا محکمہ یہ برای استیضاح مادہ جلبلرینہ مجبوریت حاصل اولمقدہ اولدینندن بو کبی احوالہ محل قانماق اوزرہ بعدما مثلاً بر سرقت جرمک اثنای تحقیقندہ محل وقعہ بی کشفہ مأموراً کیدن قومیسر و یا پولیس مأمورلری طرفین وشہودک استجوابلرندہ حاضر دکلسلر اساس ضبط ورقہ سنی امضا ایتہرک کندولری آریجہ بر کشف ورقہ سنی تنظیم ایتملری لابد اولدینی کبی مظنونک استجوابندہ حاضر بولنوبدہ خانہ سندہ بالتحرری اشیای مسروقہ بی ظاہرہ چیقاران پولیس مأمورلری میانندہ بولنمیان قومیسر و یا معاونلرینک متحریرلرک تنظیم ایدہ جکلری تحریرات ضبط ورقہ سنندہ و کذلک تحریرات اجرا ایدوبدہ کشفدہ و یا ضبط افاداندہ بولنمیان پولیس مأمورلرینک کشف و یا استجوابات ضبط ورقہ سنندہ امضا ایتاملری و بوکبی احوالہ اقسام تحقیقات ایچون آری آری ضبط و تحرری و کشف ورققلری تنظیمیلہ اساس ضبط ورقہ سنندہ یالکز حاضر بولنانلر و مشہودات محلیہ بی کورنلر و طرفین وشہودک افادہ لرینی استماع ایدنلر طرفندن تحت امضا و تمہیرہ النسی وشوقدرکہ بوکبی اقسام تحقیقات و تحریرات ایچون کیملرک مأمور ایدلرینک ذکری و بو جہات حقندہ دہ آریجہ ضبط و یا کشف ورقہ سی الندیغک وشاید ثبوت جرمہ مدار بعض احوالہ دسترس اولمش ایسہ اساس ضبط ورققلرینہ بوجہت لرک مختصراً حکایہ و ایضاحیلہ معاملاتک برصورت منتظمہ وجدیدہ جریانک تأمین ایدلمسی لازم در.

۷۹ — بالعموم ضابطہ عدلیہ مأمورلری دائرہ مأموریتلری داخلندہ وقوعبولہ جق ہر نوع جرائمندن و تخصیص جنایاتہ متدائر افعالدن طولانی عقیب و تعہدہ ایشہ مأمورین عدلیہ نک وضع ید ایتملری و دلائلی قوتلی اولمیان جرائم غیر مشہودہ یہ متعلق ہر نوع اوراق تحقیقیہ بی مرجعہ سوق ایللری سررشتہ سیلہ وظیفہ لرلی ختام بولمایوب اوجرمک فاعلاری حقندہ و حقوق عمومیہ نک تنورینہ خادم اولہ جق برصورتدہ دلائل و معلومات استحصال ایدلرکجہ مدعی عمومیلرہ درحال معلومات ویرمیدرلر.

٨٠ — بعض مظلونلر عقيب وقعهده فرارله غياباً محكوم اولدقدن صكره نفسلريني تسليم ايدرك انلای محاکمهده برصورت مشروعهده تأمین معیشت ایتک وسیله سیله بشقه محله بولنه رق آرانلایغندن بی خبر اولدقلرینی افاده وبومدافعلرینی اثباته قیام ایتکده اولملرینه وفرار مسئلهسی مواد جزائییهده پک مهم بر دلیل تشکیل ایتکده بولمنسه منی محل وقعهیه عزیمت ایتکده اولان مأمورین تحقیقه مظلون علیه موجود دکلسه نه وقت ونه کبی بر سبب ومجبوریتله خانه سندن صاوشدینی ونزیه کیده جکته ونه وقت عودت ایده جکته دائر کندیلرینه برکونا معلومات ویروب ویرمدیکی والیوم زدهده بولنه سیله جکته خانهسی خالقندن وکولیدن مکملاً تحقیق وضبط ورقه سیله استجوابنامهده قید وتصریح ایتکده برابر در حال بیان ایدیله جک محملردن ده صوریه رق عقیبنده بو جهت تحقیقاتده توسیع اولملیدر .

٨١ — حقلرنده احضار ویاتوقیف مذکرلری صادر اولان اشخاص مظلونه عندالتحریر اقامتگاهلرنده بولنادقلری صورتده اصول محاکمات جزائییه قانوننک یوز وبوزدردیجی مادهلری موجبجه ایفای لازم کلان معاملاتک هر حالده ا کمال ایتدیرلمسی وحقنقه توقیف مذکره سی صادر اولان شخص در دست ایدلمش ایسه هیئت اتهامیه جهده اتهامی حالنده نقل موقوف وفرارده اولورسه اخذوگرفت مذکره سی اصدار ایدیله جکندن علی کلا التقدیرین در دست ایدلایکی ویا حالاً فرارده اولدیجی مثبت تنظیم قلمه جق اوراق عدلیه نك اوراق اساسیه سی میانته وضعی وبعضاً آرانیلان مظلون علیه دها اول دیگر بر جرمدن دولای ذاتاً فراری بولندیجی جهته حالات مماثلدهده بو جهت نظردن دور طوتولیه رق دیگر جرمدن دولای فرارده بولنقهده ایسه ایجاب ایدنلره تعیین ایتدیرلمسی .

بلای مدعی عمومی باش معاوضه

مظهر



[١٦] نومرولی جريدة عدليه محتویاتی

— قسم رسمی —

صفیقه
نومرولی

٦٣٣

- | | | | |
|------------------------------------|---|--|-----|
| توجیهات عدلیه | — | (١) متعاقبین ومعزولین وایتام وارامل معاشانندن خمس مقدارینک دینی ایچون قطع ازانه جفته دائر | ٦٣٤ |
| مواد قانونیه | — | (٢) تجارت بریه قانونی اسباب موجب لایحه سی | ٦٣٥ |
| تبلیغات عمومی | — | (١) عدلیه مختصصاتک ایجابات محلییه کوره ملحقاته تقریقه دائر | ٦٤٤ |
| | — | (٢) پوسته لرله یالکز اوراق رسمیه نك بلا اجرت نقل ایدیله جکته دائر | ٦٤٤ |
| محکمه تمیز استدعا دائره سی مقرراتی | — | (١) حکمده سبق دعوانک لزومنه دائر | ٦٤٥ |
| | — | (٢) مسئله مستأخره ظهورنده مرجعه مراجعت ایدلمک محکمه جه | ٦٤٦ |
| | — | مهل مناسب اعطای لزومنه دائر | ٦٤٦ |
| | — | (٣) یوم تبلیغ اعتراض مدتنده داخل حساب اولامایه جفته دائر | ٦٤٨ |
| | — | (٤) خسته لکنی شهادتنامه ایله بیلدیرنلرک یوم محاکمه لرینک وقت آخره تعلیق لزومنه دائر | ٦٤٩ |
| محکمه تمیز حقوق دائره سی مقرراتی | — | (١) ورقه حکمیه نك اعلام صنفی اکتساب ایتسی ایچون لازم اولان شرائطه دائر | ٦٥١ |
| | — | (٢) متوفی حقنقه کی شهادتده متوفانک مشهور اولمادیقی تقدیرده بابا وده سنک ذکری لزومنه دائر | ٦٥٢ |
| | — | (٣) مدعینک طلب ایتدیکي مقداردن فضله حکم اولنق نقضی مستلزم اولدیفته دائر | ٦٥٤ |
| محکمه تمیز جزا دائره سی مقرراتی | — | (١) تاریخ تولدک رومی ویا عربی اولدیغنک مجلس اداره معرفیه تحقیقی لزومنه دائر | ٦٥٧ |
| | — | (٢) تلف نفس قضیه سی آخر بر جنایتی اجرا ایدرکن وقوعه ولورسه (١٧٤) نجی ماده نك فقره اخیره سنه توفیقاً تعیین مجازات اولنه جفته دائر | ٦٥٨ |
| | — | (٣) اعلامات سابقک منتوض قسمنده کی شاهدلرک استماعلرنده بتکرار تحلیقلرینک اجراسی لزومنه دائر | ٦٥٩ |
| | — | (٤) مدافعه شاهدلرندن بر قسمنک نهیه شهادت ایده جکارینی متهم بیان ایده مدیکندن دولای استماعلرندن صرف نظر ایدلمی حق مدافعه بی مغل اولدیفته دائر | ٦٦٠ |
| انجمن عدلیه مقرراتی | — | واضح اولمایان بر حکم واعلامدن دولای وقوع بوله حق استیضاحه محکمه عانده سندن ویریلان جوابک تبلیغ وتبلیغه لزومی اولدیفته دائر | ٦٦١ |

محكمة تميز حقوق رئيسي على حيدر بك

جزا اعضا سندن طلعت »

باش مدعی عمومی باش معاونی مظهر »

استئنافك صورت اجراسنه بطن قواعد اساسيه « ما بعد »

اصول اجتماع دعوی

اسباب تقضيه « ما بعد »

اعلان

اوچيوز يكرمی التي سنه سی نيسانك اونجی جمعه ايرتسی کيجه سی محمود پاشاده سلطان اوطة لرنده قوميسیونجی محمد عزت افنديك ۹ نومرولی دكانك فرق ایکی ساتیمتره تختنده بولنان طوانی دلك صورتیه بالدخول دروننده کی قاصه لری قیردرق اچق و تحویلات سرقت ایتدکری ادعاسیله متهم بولنان مذکور سلطان اوطة لرنده اون بر نومرولی اوطة ده ترلکجیلک ایدن وبوغاز ایچنده یکی کویده ارمنی محله سنده سورپیک قادینک خانه سنده اقامت ایلان اوزون بویلی خفیفجه اسمر بکیزی و سیاه بیقلی اوتوز اوچ یاشنده یورکی ایله ینه مذکور سلطان اوطة لرنده سکز نومرولی اوطة ده ترلکجیلک ایدن جبالیده قره غول ایله اجزا خانه آره سندن کچن زقاقده اشچی محمدک خانه سنده بیتوت ایدن اوزون بویلی بیاض ابلاق چهره لی چاقر کوزلی سیاه چاکت و پانطولون اکتسا ایدن قرق درت یاشنده فله لی شعبان حقلرنده اصول محاکمات جزائییه قانوننک ۳۷۱ نجی ماده سی موجبجه معامله مقتضیه ایضا و محاکمه غناییه سی بالاجرا نتیجه سنده متهمان مرقومانک فعل مذکور مجاسر تلی ثابت اوله رق قانون جزانک ایکی یوز یکرمنجی ماده سی حکمنه توفیقاً اوز سنه مدته کورکه قونلرینه و اوتوز برنجی ماده منطوقجه حقوق مدنیه دن اسقاط لریله اموال محجوز لرینک اداره ایتدیرلمسنه محکمه جنایتدن حکم اولمش و اصول محاکمات جزائییه قانوننک ۳۷۷ و ۳۷۸ و ۳۸۱ نجی ماده لرلیله مواد سائرده سی احکامنه توفیق معامله اولنسی مرجعه بیلدیرلمش اولغله مذکور ۳۷۸ نجی ماده نك جمله احکامندن اولدینی وجهله اعلان کیفیت ابته دار قلندی .

صراف خرملبوس پاپادوبلوسک روسیه دولتی تبعه سندن و تجاردن الحاج عبدالرحیم بن احمد افندی ذمتده برنجی محکمه تجارت اعلامیه محکوم به مطلوبی اولان مبالغ معلومه نك بموجب اعلام تأمین استیفاسیچون مدیون مومی الیهک عهده تصرفنده اولوب محجوز وفروختی مقرر بولسان لاله لیده قیو مجی بخشایش محله سنده یشیل طلومبه زوقاغنده اون طقوز نومرولی و درت قات اوزرینه مبنی طقوز اوطة وایکی سالون و مطبخ و فرنک طلومبه لی قویوی و آروجه ترقوس صوبی و مشتملات سائرده سی حاوی معلوم الحدود بر باب مع باغچه خانه اشبو خزیران رومینک یکرمی دردنجی بخشنبه کونندن اعتباراً اون بش کون صکره موقع مزایده وضع اولنه جفتدن اشتراسه طالب اولنلرک ودها زیاده معلومات آلق استیانیلرک محکمه تجارت اجرا دائره سنه مراجعت ایتلری دائره مذکورده دن اعلان اولنور .

بکفوزہ تابع انجیر قریہ سندنہ ساکن بالقجی آتش علی اغانک قریہ مذکورده ساکنہ شا کرہ خانم
ذمتندہ برقطعه اعلام موجبنجہ الاجنی اولان مبالغ معلومہنک تأمین استیفاسی ضمنندہ مدیونہ مومی الیہانک
عہدہ تصرفندہ اولوب بوکرہ تحت حجرہ الدیرلمش اولان قریہ مذکورده سلطانیہ موقعندہ یتش بر نومرو
وایکبیک پدیوز غروش قیمتلو چاللقندہ یکرمی یدی حصہ اعتباریلہ مزبورہ عائد بر حصہ سنک تاریخ
اعلانن اعتباراً اون بش کون صکرہ مزایدہ سنہ تثبث اولنہجفی بکفوز اجرا دائرہ سندن اعلان اولنور .

متوفی ترجمان اوغلی نیقولانک طناش ولد آندون ذمتندہ ایکنجی محکمہ تجارت اعلامیلہ محکومہ اولان
الاجغندن متوفای مرقوم ورثہ سندن لئونیدانک حصہ مطلوبہ سنک استیفاسی چون بک اوغلندہ قرخاتون محلہ سندنہ
قالونجی قوللغی جادہ سندنہ الی سکنز ومکرر الی سکنز نومرولرہ مرقم فوقندہ ایکی باب اوطنی والتندہ
مخزن برقیو ومشمولات سائرہی حاوی سنوی التمش عدد لیرای عثمانی ایجار کتورر کارگیر دکاندہ مدیون
مومی الیہک نصف حصہ شایعہ سی بوندن اقدام موقع مزایدہ قونیلہرق عثمانی لیراسی یوز غروش حسابیلہ
اون ایکی بیک غروش بدل ایلہ طالبی عہدہ سندنہ قالمش واشبو تموز رومینک سکنزنجی پنجنشہ کونندن
اعتباراً اوتوز برکون ظرفندہ یوزدہ بش ضم قبول ایدلمسی مقرر بولنمش اولدیغندن یوزدہ بش ضمیلہ
اشتراسنہ طالب اولنلرک ودها زیادہ معلومات المق ایستیلرک بدل مزایدہنک عشرینہ مساوی پی اچہ سیلہ
برابر مدت مزبورہ ظرفندہ محکمہ تجارت اجرا دائرہ سنہ مراجعت ایتلری ومدت مذکورہنک ختامنہ
مصادف کلہجک اغستوس رومینک طقوزنجی بازار ایرتسی کونی ساعت بشدن طقوزہ قدر مذکور دکان
پیشکاهندہ ماموری مواجہہ سندنہ حاضر بولنلری دائرہ مذکورہن اعلان اولنور .

متوفی قومانیاجی قسطنینک قانلی احمد اوغلی حاجی حسین قبودان ذمتندہ محکمہ تجارت بحریہ دن
۵ نیسان سنہ ۳۲۲ تاریخی صادر اولمش اولان اعلام موجبنجہ آلاجنی اولان بشینک ایکی یوز یکرمی
سکنز غروشک مع فائض ومصارف محاکمہ تأمین استیفاسی چون مدیون مرقومک فورچہ سیلہ قریہ سندنہ متصرف
اولدینی بر باب خانہ وبغچہ وآخور ومغازہ ودکان تمامی وپردہ بر باب ذخیرہ انبارینک نصفیلہ سکنز قطعه
اراضیدہ کی حصہ شایعہ سی رئیس محکمہنک امریلہ مقدما تحت حجرہ الدیرلمش وبالاخرہ مدیون مرقوم
حاجی حسین قبودانک وقوعوقاییلہ اولبابدہ کی اعلام صورتی واخبارات قانونیہ ورثہ سی واولادی مصطفی بکر
مراد حسین وزوجہ سی عایشہ یہ تبلیغ اولنوب انجق ورثہ مزبورہ دن احمدک دخی وقوع وفاتی جہتیلہ
املاک محجوزہ مذکورہنک فروخت ایدیلہجکی حقندہ کی ایکنجی اخبار نامہ متوفای مرقوم احمدہ تبلیغ
اولنہ مامش ایدی بودفعہ داین متوفی ورثہ سندن واسیل دائرہ اجرایہ بللراجہ مرقوم احمدک حین وفاتندہ
زوجہ سی عایشہ وقیزلری شریفہ فاطمہ سحر ایلہ اوغللری علی ومحمدی وارث اولہرق ترک ایتش اولدیغندن
ورثہ مرقومہ دن سحر ایلہ اوغلی محمدک محل اقامتلی مجھول بولندیغندن بختلہ اوپابدہ کی تبلیغاتک

انلر حقندہ اعلاناً اجراوا کالیلہ املاک محجوزنک فروختی طلبندہ بولنمغلہ جزیران رومینک یکرمی دردنجی
پنجنشہ کونندن اعتباراً طقسان برکون ظرفندہ غائب اولان ورثہ دن مرقوم سحر ومحمدک دائرہ اجرایہ
مراجعتلہ حصہ دینلری تأدیہ ایتلری وقانوناً قبولہ شایان بردیہجکلری اولدینی تقدیردہ مدت مذکورہ
ظرفندہ تحریراً بیان ایتلری لازم کلہجکی وعکس تقدیردہ حصہ محجوزہ مذکورہنک صاتیلہجفی معلوملری
اولق اوزرہ تنظیم قلنان اشبو اخبارنامہ ورثہ مرقومہنک محل اقامتی مجھول اولق ملابسہ سیلہ اصول محاکمہ
حقوقیہ قانوننک یکرمی التجی واجرا قانوننک یکرمی طقوزنجی مادہ لرینہ توفیقاً مرقومانہ تبلیغ اولنمش
اولق اوزرہ محکمہ تجارت اجرا دائرہ سی دیوانخانہ سنہ تعلیق اولدینی کبی غزتلرلہ دخی اعلانہ مبادرت قلندی .

مرکزی تکفورطاغندہ اولان (اتحاد اقتصادی) نامی و (قاریس ونرسس وشراکسی) عنوانی تحتندہ
منعقد عثمانی قوماندیت شرکت صناعیہ وتجاریہ سنک اوچوز یکرمی الی سنہ سی نیساننک یکرمی بشنجی بازار
کونی بر موجب مقالہ منتظماً انعقاد ایش اولان فوق العادہ مجلس عمومیسندنہ شرکت مذکورہنک
قوللکتیف اعضاسندن اولان تکفور طاغی تجارندن مقصود کر میان افدینک یالکز قوللکتیف شریکلکدن
وقوعبولان استعفا سی اتفاق ایلہ قبول ایدلمش وشریک مستعفی مومی الیہک یرینہ تکفور طاغی تجارندن
بالتجیان آبقار افندی طلب وموافقتنہ بناء شراکای مومی الیہمک اکثریت مطلقہ سیلہ قوللکتیف شریک
اولہرق تعیین وقبول اولنمش اولدینی جہتلہ مومی الیہ آبقار افندی دخی تکفور طاغی مقاولات محررلکندن
مصدق فی تموز ۱۳ سنہ ۳۲۶ تاریخ و ۹۰ نومرولی تعہد نامہ سیلہ مذکور محررلکدن مقدما فی ۱۳ تشرین
اول سنہ ۳۲۵ تاریخ و ۱۷۴ فیہ نومرولی مصدق شرکت مذکورہ نظامنامہ سنک احکامنی تمامیلہ قبول
واشبو صنعت ایچون ضرری اولان بر موجب نظامنامہ پشیناً تأدیہ ایش ومقسطاً تأدیہ ایلہجکی جمعاً یوزسکنز
عدد لیرای عثمانیک الی عدد موقت حصہ سنداتنی آخرہ دود وفروخت اولنماق اوزرہ شرکت صندوقنہ
تسلیم ایش اولدینی وشراکتک دیگر قوللکتیف شریکلری اولان ہایاق بطمازیان ونرسس منزبان وقاریس
طاغوسیان وآرتین آغفادیان افندیلرلہ شرکتک خصوصات ومعاملاتندن کفالت متسلسلہ ایلہ قوماندیت شریک
اولدینی حسیلہ بوجہلہ بین الشراک واقع اولان تبدلات وطولایسیلہ احکام مقالہ نامہ دہ اجرا قلنان تعدیلات
تجارت بریہ قانوننک مادہ مخصوصہ سنہ توفیقاً اعلان اولنور .

اورتہ کویدہ تراموای جادہ سندنہ ساکن ایکن تجارت بحریہ محکمہ سندن افلاسہ حکم اولنمش اولان نور
اقتصاد بقالیہ شرکتی مدیر مسئولی قبودان زادہ محمود بکک ذمتندہ آلہجفی اثبات ویا موقتاً قبول وقید
ایتدیرمش اولان آلہجقولرک قانوننامہ تجارتک ۲۱۱ و آنی ولی ایدن مادہ سی موجبنجہ مفاس طرفندن تکلیف
اولنہجق قوقورداتونک مذاکرہ سی شہرتموزک یکرمی برنجی چہارشنہ کونندن محکمہ مذکورہنک افلاس
اوطہ سنہ کللری اعلان اولنور .

تجارت بحریه محکمه سنجیه افلاسنه قرار ویریلان اولتجی خرسو پاپادوپولونک بک اوغلنده باقی بازارنده قصاب ایلیانک آپارتمانده درت نومرولی دائرده کی اقامتگاهنده موجود بوفه وقونسول و صندالیه و لامبه و دیوار لوحه لری و اناطولی کایم و سجاده لردن عبارت اولان اشیای زائده بیتیه سی شهر حال رومینک سکنجی پنجشنبه کونی ساعت برپنجی راده لرنده مذکور آپارتمانده بالمزایده فروخت اولنه جنی اعلان اولنور .

* *

تحافی زاده احمد زین العابدین بکک شریفه عایشه سعادت خانم محکومه به دینی اولان معلوم المقدار مبالغه تأمین استیفای ضمتنده بلاطده حاجی عیسی محله سنده اورته زوقاعده کائن بر نومرولی مع اخور سودجی دارالصناعه سیله اتصا لنده مکرر بر نومرولی بکاراوطه لدی المزایده دارالصناعه یدی بیک و بکار اوطه لری دخی بش بیک غروش آلتون آقچه بدللری ایله طالبی عهده سنده تقرر ایدرک موقه قراردادده سی کشیده قلمش اولدیغندن تاریخ اعلاندن اعتباراً اوتوز برکون ظرفنده لاقل یوزده بش ضمیمه طالب اولان یوزده اون نسبتنده کی پی آقچه لری استصحاباً بک اوغلی اجرا دائره سینه مراجعت ایتملری ومدت مذکور بک ختامنه مصادف شهر اغستوسک اون آلتجی بازار ایرتسی کونی ساعت طقوز بچق قرارلرنده محله صوک مزایده علیه سیک اجرا و قطعی قراردادده سی کشیده سی ضمتنده املاک مذکوره پیشگاهنه عزیمت ایده جک مأموری مواجهه سنده حاضر بولملری دائره مذکورده دن اعلان اولنور .

* *

استانبولده سلطان حمامنده حاجوپولو خانی اتصا لنده کی دکانده مقیم و تحافیه تجارتیه مشغول ژورژ آ. حاجوپولو افندیکنک مبدأ افلاسک نیسان ۱۸ سنه ۳۲۶ تاریخندن اعتبار اولنقی اوزره اعلان افلاسنه و مصالح افلاسیه سیک رؤیت و تسویه سی ضمتنده اعضای محکمه دن بدروس قردیان افندیکنک ژورژ قومیسر ودعوی وکیللرندن کیغورق کورغیان و مارکو ناحوم افندیکنک موقت سندیک تعینلرینه و مغازه سیله دیولرنده کی اموال تجاریه و اشیای زائده بیتیه سیک تمهیرینه و اوراق و دفاترینک جنبه و کفالت مصدقه ارانه ایده مدیک تقدیرده حبس و توقیفنه و بوباده کی قرارک موقه اجراسنه تجارت بحریه محکمه سندن قرار ویرلش اولدیغندن قانوننامه تجارتک یوز یمشجی ماده سی موجبجه دائمی سندیکلری انتخاب اولنقی اوزره اصحاب مطالبک اشبو بیک اوچیوز یکرمی الی سنه سی تموزینک اون دردنجی چهارشنبه کونی ساعت الی راده لرنده محکمه نیک افلاس معاملاتنه مخصوص اوطه سنه کللری لزومی اعلان اولنور .

* *

چارشوی کیرده بات بازارنده اون طقوز نومرولی دکانده مقیم مفلس رایبک اغانک تحقیق دیون معاملاتنه ابستدار اولنه جغندن مرقوم ذمتنده الاجنی اولانلرک اوراق مثبته لری حامل اولدقلری حالده شهر تموزک یکرمی برنجی چهارشنبه ویکرمی ایکنجی پنجشنبه ویکرمی دردنجی جمعه ایرتسی کونلری ساعت الیدن طقوزه قدر تجارت بحریه محکمه سیک مصالح افلاسیه اوطه سنه بالذات ویا بالوکاله مراجعت ایدرک الهجقلری تحقیق

دیون دفتریته قید ایتدی رملری لازم کله جکی وایام مذکوره ظرفنده مراجعت ایتملر حقنده تجارت قانوننک ۲۱۰ نجی ماده سی احکامنک موقع اجرایه قونیه جنی اعلان اولنور .

* *

بیوک اطهده مقیم مفلس کراسته جی تئودورا کی مانیکا وادرسکی دیمیا اوغلنک تحقیق دیون معاملاتنه ابستدار اولنه جغندن مرقوم ذمتنده الاجنی اولانلرک اوراق مثبته لری حامل اولدقلری حالده اوچیوز یکرمی الی سنه سی اغستوسنک دردنجی ویشنجی ویدنجی کونلری ساعت الیدن طقوزه قدر تجارت بحریه محکمه سیک مصالح افلاسیه اوطه سنه بالذات ویا بالوکاله مراجعت ایدرک الهجقلری تحقیق دیون دفتریته قید ایتدی رملری لازم کله جکی وایام مذکوره ظرفنده مراجعت ایتملر حقنده تجارت قانوننک ۲۱۰ نجی ماده سی احکامنک موقع اجرایه قونیه جنی اعلان اولنور .

* *

فخریه و بدریه خانملرک اصحاب خیراتدن کوتاهیوه وی زاده مرحوم محمدعارف افندی نقود موقوفه سنه دینلری بولنان طقوز بیک بشیوز الی غروشک تأمین استیفای ضمتنده مزبور تانک عهده لرنده اشبو دینلری مقابله مرهون و فروختی بااعلام شرعی محکوم بولنان ایوب جوارنده طوپجیلر محله سنده اولویول جاده سنده واقع طقسان برنومرو ایله مرقم فوقانی و تحتانی یدی اوطه و اوچ صوفه و برمطبخ و برطاشلیق ایله تخمیناً ایک بیک زراعت باغچه و شربه صالح صوقیوسنی مشتمل صرف ملک بر باب اخشاب منزل بوندن مقدم اصولاً آلتش برکون مدته لدی المذایده لیرای عثمانی یوز غروشدن اوچ بیک بشیوز غروش بدل ایله طالبی اوزرنده تقرر ایدرک موقه قرار داده سی کشیده قلمش اولدیغندن یوزده بش ضمیمه طالب اولانلرک پی سورمک ودها زیاده معلومات آتی ایستیانلرک اشبو تاریخ اعلاندن اعتباراً اوتوز برکون ظرفنده دائره اجرایه وکله جک تموزک یدنجی پنجشنبه کونی ساعت آلتیده محله صوک مزایده سی اجرا قانه جغندن اشترایه طالب اولانلرک مذکور خانه پیشگاهنده مأمورینه مراجعت ایلملری در سعادت اعلامات اجرا دائره سندن اعلان اولنور .

* *

نو شهرلی بقال پانده لی ولد تریفونک متوفی مانولا کی حاجوپلودن استقراض ایلدیکی ایک یوز عدد لیرای عثمانیه مقابل وفاء مفروغ اولان بک اوغلنده عزب قپو جوارنده یولجی زاده محله سنده زیتون چقماز سوقاغنده کائن درت صوفه ویدی اوطه و ابدستخانه وکیلار و مطبخ و قیو و صهرنج و مشتملات سائر نی حاوی توسیع انتقالی صفیه خاتون وقفندن برنومرو ایله مرقم تخمیناً یوز قرق ارشون عرصه اوزرینه مبنی بر باب کارگیر خانه لدی المزایده یکرمی بش بیک غروش التون آقچه بدل ایله طالبی عهده سنده تقرر ایدرک موقت قراردادده سی کشیده قلمش اولدیغندن اشبو تاریخ اعلاندن اعتباراً اوتوز برکون ظرفنده لاقل یوزده بش ضمیمه طالب اولانلرک بدل مزایده سیک عشری نسبتنده دیپوزیتو آقچه لری مستصحباً بک اوغلی اجرا دائره سنه مراجعت ایتملری ومدت مذکوره ختامنده یعنی شهر اغستوسک دردنجی چهارشنبه کونی ساعت

طقوز بچق راده لرنده محلنده صوك مزايده علنيهي اجرا و قراردادة قطعيي كشيده اولمق اوزره مذكور خانه پيشكاهنه عزيمت ايدجك اولان ماموري مواجهه سنده حاضر بولمقلى اعلان اولنور .

سرگز صرانبان افنديك ماردريك اوغلى قره بت و بغوص اغار ذمتلرندن محكوم به مطلوبك تأمين استيفاسي ضمننده بك اوغلنده قمر خاتون محله سنده مارغريد سوقاغلنده مكرر ۲۰ نومرولى تحتاني و فوفاني بش اوطة و مطبخ ايله تحتنده ۲۰ نومرولى اوچ باب دكاني مشتمل كاركي رباب خانه انتقالات متصرف اولدقلى نصف حصه شايه لرى تحت حجزه آلدلرملش اولمقله تاريخ اعلاندن اون بش كون صكره بالمازايده فروخت اولنه جغندن طالب اولانلرك بك اوغلى اجرا دائره سنده مراجعت ايتلمقلى اعلان اولنور .

ايواز خاجيكك چقور چشمه ده طاش خان اوطة باشيسي بدروس اغوبيان ذمتنده ايكنجى محكمه تجارندن ويريلان و صورتى ۱ نيسان سنه ۳۰۷ تاريخنده مديون مرقومه تبليغ ايديلان ۲۷ مارت سنه ۳۰۷ تاريخلى اعلام موجبجه محكوم به مطلوبى بولنان التمش سكر ليرا قرق بر غروشك مع فائض و مصارف محاكمه تسويه سي ضمننده چقور چشمه ده طاش خان دروننده اوتوزدورت نومرولى اوطة يي مشتمل مذكور طاش خان اوطة باشيلنى كدكي نصف حصه سي بوندن اقدم موقع مزايده وضع ايدلمش و قانوناً اجرا و اكال ايديلان مدت مزايده ده مذكور نصف حصه كدك عثمانلى ليراسى يوزغروش حسابيله ايكي بيك غروشه دان مرقوم خاجيك عهده سنده تقرر ايتمكله قرار داده سي كشيده قلمش ايدى اولوقندن شمدى به قدر بعض اسباب قانونيه بناء فراغ معامله سي اجرا ايدليوب ارادن التى ايدن زياده زمان مرور ايدلىكي جهته اشبو اخبارنامه ك تاريخ اعلاندن اعتباراً يكرمى بر كونه قدر دفتر خاقانى نظارت جليله سنه كيدرك حصه مذكوره بك بدل مزبور مقابلنده طالبى عهده سنده تقرر ويرمك اوزره مديون مرقومك يا بالذات ويا بالوكاله دائره اجرايه مراجعت ايلسى حاليه تقرر ويرمكدن امتناع ايتمش عداولته رق رضا و تقريرينه باقلمق سزين فراغ معامله سبك اجرا ايتديريله جكنى ميان اشبو اخبارنامه مديون مرقومك محل اقامتى مجهول اولق ملايسه سيله تجديداً و تكراراً محكمه تجارت اجرا دائره سي ديوانخانه سنده تعليق اولنديكى كى غزته لرله اعلانه مبادرت قلندى .

متوفى خطيب زاده مصطفى افنديك عهده سنده اولوب نصف حصه سي اصحاب خيراتدن مرحومه وسيله خانمك نقود موقوفه سنده وديكر نصف حصه سي دخى اصحاب خيراتدن مرحوم حسين ثابت افنديك نقود موقوفه سنده اولان دينلرى مقابلنده مرهون و فروختى با اعلام شرعى محكوم بولنان قريه و محله مذكوره ده تعليمخانه زقاغلنده واقع ايكي نومرو ايله مرقم ايكي اوطة و برصوفه و برآخور و برصانلق و بر مقدار ميدانلى مشتمل صرف ملك رباب خانه آلتش بركون مدته لى المزايدة ليراي عثمانى يوزغروش حسابيله بشييك بشيوز غروش بدل ايله طالبى اوزرنده تقرر ايدرك موقتاً قراردادده سي كشيده قلمش اولديغندن يوزده بش

شميله طالب اولانلرك يي سورمك ودها زياده معلومات آلمق اوزره اشبو تاريخ اعلاندن اعتباراً اوتوز بر كون ظرفنده دائره اجرايه مراجعت ايللرى و كله جك تموزك يدينجى پنجشنبه كوني ساعت سكرزده محلنده صوك مزايده سي اجرا قلنه جغندن اشترايه طالب اولانلرك يوم و ساعت مذكوره محل مذكوره حاضر بولمقلى درسعات اعلامات شرعيه اجرا دائره سندن اعلان اولنور .

اركاييده مقيم چركس اوغلى يوان اغانك اركلييك روميان محله سندن پاپس اوغلى يوردان و قسطنطى ذمتلرند بااعلام محكوم به مع مصارف محكمه درتليك كسور غروشك تأمين استيفاسي چون مرقومانك محله مذكوره واقع طرفلرى حاجى قسطنطى و طقوز اوغلى چشمه سي و قالقه و دكر ايله محدود ايكيوز اللى زراع نصف عرصه ده التمش درت سهمدن مرقومانك يكرمى سكر سهم حصه لرى مقدما تحت حجزه آلته رق تاريخ اعلاندن اعتباراً اون بش كون صكره بالمازايده فروخت اولنه جغندن اشترايه طالب اولانلرك اركايى بدايت محكمه سي اجرا دائره سيله مناديسى على اغايه مراجعت ايتلمقلى اعلان اولنور .

درسعادته كوپرلى خانه ۱۰ نومرولى اوطة ده مقيم ياتينك بك اوغلنده بالق بازارنده ۱۶ نومرولى خانه ساكنه ديمتري زوجه سي قاليوبى علينده اقامه ايدلىكي فك حجز دعواسندن طولايى لاجل الحاكمه تسطير قلنان دعوتيه ظهيرينه مزبورنه ك اقامتكاهى معلوم اولمادى بى بك اوغلى پنائى روم كليساسى مختارى نامه كهيا ديمتري ايله مباشرى محمد افندى امضاليله و بريلن شرحدن اكلاشيله رق معامله تبليغه ك اصول محاكمه حقوقيه قانونك يكرمى التنجى ماده سنك فقره اخيره سي منطقجه اعلاناً اجراسى طلب واقع اوزرينه بالتسبيب امر محاكمه ك اجراسى كله جك اغستوسك ايكنجى بازار ايرتسى كوني ساعت سكرزده قرارلشديريلوب اولبايده تنظيم قلنان دعوتنامه دخى محاكمه ديوانخانه سنده تعليق ايدلمش اولديغندن مدعى عليها قاليوينك يوم و وقت مزبورده بك اوغلى بدايت محكمه سي برنجى حقوق دائره سنده بالذات حاضر بولمقى و يا خود مصدق سنده بر وكيل كوندرمى لازم كلوب عكسى تقديرده دعواى مذكوره ك مدعينك طليله غيباً رؤيت و فصل اولنه جنى بيانيله اعلان كيفيته ابتدار قلندى .

بلاطده كوپرى باشنده يوز سكر نومرولو دكانده مقيم بقال استفان ولد كريا قونك درسعات پوليس مركزى مرتباتندن پوليس ايكن اليوم اقامتكاهى مجهول بولنان مصطفى زكى افندى عليه درسعات بدايت محكمه سي ايكنجى حقوق دائره سنده اقامه ايدلىكي الاجق دعواسندن طولايى برى محاكمه تسطير قلنان دعوتنامه محكمه ديوانخانه سنده تعليق قلنه رق امر محاكمه ك اوچوز يكرمى التى سنه سي اغستوسك دردنجى چهارشنبه كوني ساعت اوچ بچق راده لرنده اجراسى مقرر بولنش اولديغندن مومى اليه مصطفى زكى افنديك يوم و وقت محاكمه بالذات محكمه يه كلى و يا خود طرفندن بروكيل كوندرمى و عكسى تقديرده حقتنده معامله قانونيه ك اجرا اولنه جنى معلوم اولق اوزره اصول محاكمه حقوقيه قانونك يكرمى التنجى ماده سي موجبجه كيفيتك اعلانه ابتدار اولنور .

مادام از مراغه بنت دیمترینك بك اوغلنده قيل بروننده مقيم ايكن اليوم اقامتكاهي مجهول بوانسان
طناش ولد يانی ذمتنده جهت قرضدن محكوم به الهجني اولان يوز يكرمی عدد ليرای عثمانينك مع فائض
ومصارف محاكمه تأمین استيفاسی ضمننده مديون مرقومك عهدۀ تصرفنده اولوب داینۀ مزبوره نامنه وفاء
مفروغ اولان بك اوغلنده حسين اغا محله سنده قيل برونی جاده سنده كائن توسيع انتقالو معلوم الحدود
۱۸ نومروايه مرقم بر قطعه عرصه نك مديون مرقومك اقامتكاهي مجهول اولمقدنناشي غزته لره اعلان ايدلك
صورتيله معامله تبليغيه سي ايضا قلنان بك اوغلي بدايت محكمه سي برنجي حقوق دائره سنك ۲۹ كانون اول
سنه ۳۲۵ تاريخي بر قطعه اعلاميله بالمازايده فروختي تحت حكمه النديني وتنظيم قلنان برنجي اخبارنامه نك
دخی اجرا قانوننك يكرمی طقوزنجي ماده سي حكمته توفيقاً اعلاناً تبليغ ايديله رك مدت قانونيه سي مرور
ايدليكي جهته تاريخ اعلاندن اعتباراً سكيز كون ظرفنده مديون مرقوم دين محكوم بهني تسويه ايدليكي
تقديرده وفاء مفروغ اولان مذكور عرصه نك بالمازايده فروخت اولتهرق ائمانندن تسويه دين ايديله جي
اعلان اولنور .

*

على افدينك بوياجي داميانوس ذمتنده كي مطلوب محكوم بهنك تأمین استيفاسی ضمننده مديونك مالی
اولوب با اعلام تحت حجزه النمش اولان يكرمی التي عدد اغريوز نفق وانكليز وجيشك بزروهر پاكتي بر
دوزينه اعتباريله يكرمی طقوز پاكتي ياغلي بويانك فروختي قرار كير اولديغندن ماه حال تموزك يكرمی اوچنجي
جمعه كوني ساعت ايكي بچقده غلطه ده قبو ايحي تره غولي اتصالنده بوياجي دكاننك پيشكاهنده بالمازايده فروخت
اولنه جغندن طالب اولانلرك يوم ووقت مذكوره مأموري مواجهه سنده حاضر بولتماري اعلان اولنور .